



河間府志卷之十六

流寓志

志曰威鳳留音山川見寶卿雲垂彩家國徵祥賢豪
所至人競紀焉以其德輝也瀛雖僻處北鄙哉然
慷慨悲歌性喜結納士君子卽未涉其鄉或不免
聞聲而慕矧驅車過此有弗留連睠顧者乎歷溯
往昔棲遲寄托代有聞人迄今望渤海濶滹沱曩
時之高風逸事猶有存焉者乎誠足爲一邦生色
若乃擇而後蹈此都可懷則夫賁然來思者當必



非漫為投止已也

公寓

周

魯隱公三年冬十有二月齊侯鄭伯盟于石門尋盧

之盟也

本註石門齊地今任丘南二十里
盧亦齊地今鄭州東地有盧國城

魯隱公四年夏公及宋公遇于清

今青縣

左傳齊侯北伐燕盟於濡水

在莫州西二十里

魯桓公二年公會齊侯于瀛

季札聘魯晉寓于慶雲長子死遂卜葬焉

墓在慶雲城南

秦

甘羅茂之孫甘陵人十二事秦相呂不韋秦始皇帝

使剛成君蔡澤於燕三年而燕王喜使太子丹入

質於秦使張唐往相燕欲與燕共伐趙以廣河間

之地甘羅謂文信侯曰借臣車五乘請為張唐先

報趙王郊迎甘羅甘羅說趙王曰王聞燕太子入

質秦與曰聞之曰聞張唐相燕與曰聞之曰燕太

子丹入秦者燕不欺秦也張唐相燕者秦不欺燕

也燕秦不相欺者伐趙危矣燕秦不相欺無異故

欲攻趙而廣河間王不如齎臣五城以廣河間歸
燕太子與強秦攻弱燕趙王立割五城以廣河間
趙攻燕得上谷三十六縣與秦什一其羅還報秦
乃封其羅以爲上卿復以其祖茂田宅賜之

漢

馮異字公孫潁川人也光武至邯鄲遣異與姚期乘
傳撫循河北屬縣錄囚徒存鰥寡亡命自詣者除
其罪陰條二千石長吏同心及不附者上之及王
郎起光武自薊東西馳晨夜草舍至饒陽
漢屬河間國

肅寧縣 府志肅寧本秦名其地有南陽疇村又名中陽疇村宋初築城以屯兵金得之始置縣

謂諸將曰昨得公孫豆粥飢寒俱解復渡滹沱河
至信都使異別收河間兵還拜偏將軍從破王郎
封應侯

唐

王勃字子安絳州人唐高宗時六歲能文詞章蓋世
年十三侍父宦游江左舟次馬當山登岸步見大
門當道榜曰中元水府之殿返回歸路遇老叟坐
於磯上與勃長揖曰子非王勃乎勃心驚異叟曰

王勃

來日重九南昌都督命客作滕王閣序子有清才
盍往賦之勃曰此去南昌七百餘里今日已九月
八日矣夫復何言叟曰子誠往吾助清風一夕勃
欣然拜謝問叟僊邪神邪叟笑曰吾中元水府君
也勃卽登舟翌日昧爽已抵南昌會府帥閻公宴
僚屬於滕王閣授簡及勃勃輒受爲序頃而成文
大悅謝以五百緡勃舟回故地而叟已先坐石磯
矣勃拜謝曰當具菲禮以答神休叟笑曰但過長
蘆焚陰錢十萬吾有未償薄債也勃過長蘆如數

此乃爲是係

焚之而去

史孝章字得仁本北方之強宗世雄朔漠太和二年
滄景節度使李全略卒子同竊據故地詔下
以文告弗革遂用大刑其先侍中憲成公請率先
諸侯使元子督戰制曰可公承君父之命乃捐其
軀一舉而下平原壓滄壘由是加工部尚書王師
凱旋上表願一識承明廬詔允遂赴闕下得覩便
殿上曰向吾始征滄州議者皆曰彼魏之姻也盧
陰爲寇謀吾發使數輩以偵比還僉曰爾父致款

史孝章

於賓筵爾毋抗辭於簾下願絕姻以立效其經略
啓發出於爾心今滄海砥平策勲之日宜賚爾三
族命爾父爲侍中遷鎮於近地加爾禮部尚書析
相衛澶三州爲鎮以居之俾爾一門大榮以誇天
下

薛奎儀州推官嘗部丁夫運糧至鹽州會久雨粟麥
皆腐奎白轉運請縱民還州而償所失民皆便之

元

廖人俊寧都人元初父死於寇母亦被掠人俊七歲

與祖父居旣長誓求父骨得於叢塚間又往北方
求母聞在滄州至則已死欲負骨歸葬異父弟不
許遂刻母像而還合葬焉

吳徵文集

明

楊璿字叔璣晉陵人成化辛卯由戶部侍郎轉都御
史巡撫北直隸時河間水災屬邑告竭公處置得
宜民賴全活至今猶思之不忘

宜間集

夏言任兵科給事中奉例親詣河間查勘皇莊及皇
親功臣莊田共勘過各項田土二十萬九百一十

九頃二十八畝退斷過侵占民地二萬二百二十九頃二十八畝累年豪奪隱占之弊始得除焉

鄒元標字爾瞻吉水人萬曆初進士歷官左都御史加太子太保犯顏敢諫羣邪側目被謫時寓慶雲天宮寺與高僧壽平爲方外交曾于殿壁題三教歸一說筆走龍蛇至今翰墨如新

流寓

漢

趙岐桓帝時爲皮氏長聞有家禍因從官舍逃走之河間變姓字又轉詣北海著絮巾布袴常於市中販胡餅孫賓碩時年二十餘乘犢車將騎入市見岐疑其非常人因問之岐乃具告之賓碩遂載岐驅歸住車門外先入白母言今日出得死友在外當來入拜乃出延岐入椎牛飲酒快相娛樂三日因載住別田舍藏置複壁中後數歲唐衡及弟皆

死岐乃得出還本郡三府竝辟累官至郡守刺史
太僕卿而賔碩亦從此顯名於東國仕至豫州刺
史

馬巖字威卿援兄子也少孤而好擊刺習騎射後乃
自擢從平原楊太伯講學專心墳典能通左氏春
秋因覽百家羣籍遂交結英賢京師大人咸器異
之仕郡督郵援常與計議委以家事弟敦字孺卿
亦知名援卒後巖乃與敦俱歸安陵居鉅下三輔
稱其義號曰鉅下二卿累遷五官中郎將敦官亦

至虎賁中郎將

三吳質字季重濟陰人以文才與建安諸子並馳名
當世寄居南皮魏文帝微時雅愛敬之嘗偕阮瑀
輩過訪日相歡洽後與吳書云憶昔南皮之游誠
不可忘泛其瓜于清泉沉朱李于寒水云云

常林河內人常避地河間往依太守陳延璧

北魏崔亮伯廣陵人亮韶之弟也孝莊時亡河間邢子

才曾貸錢數萬後送還之亮韶曰此亡弟相貸僕
不知也竟不納

崔暹字季倫少爲書生避地渤海依高乾以妹妻其弟慎後暹爲尚書僕射

唐

陽城字亢宗北平人世爲官族天資好學貧不能得書求爲集賢院吏竊院書讀之晝夜不出戶六年無所不通及進士第乃去滄州隱中條山下遠近慕其德行來學者相繼於道間里有爭者詣城求決之李泌爲相舉爲諫議大夫

後唐趙玉漁陽人嘗客滄州依節度判官呂充劉守充

破滄州收充親屬盡殺之充子琦年十四玉負之逃至太原變姓名丐衣食以給琦後唐莊宗同充初爲藩部從事當時是燕趙之士以玉能存呂氏之孤翕然稱之

龔敏字欲訥幽州永清人也少仕州攝參軍劉守光亂敏避之寓居滄州遂客於梁敏素善馮道道爲唐莊宗從事乃潛往依之監軍張承業謂道曰聞子有客可與俱來因辟敏監軍巡官使掌奏記

劉昫涿州歸義人爲人美丰儀與其兄暄弟皞皆以

好學知名薦燕之間後爲定州王處直觀察推官
處直爲其子都所囚暄亦爲怨家所殺暄乃避之
滄州唐莊宗卽位拜暄太常博士以爲翰林學士
明宗時遷端明殿學士與馮道同相兼判三司

宋

王倫宋丞相旦之孫累官簽書樞密院事使金不屈
金主遣其副使還而徙倫拘於河間未幾以倫爲
平灤三路都轉運使倫曰奉命而來非降也金脅
以威倫拒益力金主乃使人縊殺之倫遂冠帶南
向再拜慟哭曰臣將命被留及欲污以僞職不敢
愛一死以尋命遂就縊於是河間地震雨雹三日
聞者哀之

家鉉翁睢州人累官端明殿學士簽樞密院事元兵
次近郊丞相吳堅賈餘慶檄告天下守令以城降
鉉翁獨不署元帥遣使至欲縛鉉翁曰中書省無
縛執政之理堅奉表祈請于元命留館中聞宋亡
旦夕哭泣不食飲者數月元以其節高欲尊官之
以示南服鉉翁義不二君辭無詭對宋三宮北還

鉉翁再率故臣迎謁伏地流涕頓首謝奉使無狀不能感動上衷無以保全其國見者莫不嘆息文天祥女弟坐兄故繫奚官鉉翁傾橐出裝贖出之以歸其兄璧鉉翁狀貌奇偉身長七尺被服儼雅其學邃於春秋自號則堂改館河間以春秋教授弟子數爲諸生談宋故事及宋興亡之故或流涕太息元成宗卽位放還賜號處士賜資金幣皆辭不受又數年以壽終

金

劉樞字居中通州三河人少以良家子從軍屯河

間同輩皆騎射獨樞刻意經史登天眷二年進士調唐主簿改飛狐令蔚州刺史恃功貪污無所顧忌屬邑皆厭苦之樞一無所應乃據以他事繫獄將致之死郡人有憐樞者導樞脫走訴於朝會廉察使至守倅而下皆抵死廢獨樞治入優等躡遷奉直大夫歷進士工部侍郎又歷中都路轉運使

元

孔汝器字世璉孔子五十三代孫也世居魯曲阜元初有構難孔氏者君從父奔瀋之武清將還過陵

州遇其祖以二子來奔相與登廣臺而望喟然歎曰昔先太常與董生有師友之好實往來於此今我子孫不幸播遷復於此焉相會豈非天乎乃謀買田築室廣臺之東十五里以居陵人以其大聖之後而來自防山也喜之因名其所居爲防山邨云

明

張彪河南磁州人知慶雲縣寬猛相濟大得民心秩滿以老乞歸而貧不能去遂占籍興濟家焉

章啓丹徒人以進士任戶部主事陞常德同知占籍任丘崇祀鄉賢

李溥咸淳人永樂中隨父榮寓任丘從劉輓講易遂妻其女輓卒溥扶輓歸葬補弟子員舉陝西鄉試復回任丘官至泰安州學正以易爲任丘首倡邑人遂得其傳

段準其先居山東之禹城永樂中自浙之紹興通判調河間有惠政在民其卒也貧不能歸留葬交河李邨之原五子從而家焉

郝俊髦灤州人孝友夙著親喪廬墓三年不返室屢科不第選黃縣主簿之任寓河間城內城破不屈死骸骨隨亂骼瘞城外不可別其子時來望祭之孫徵君竒逢爲立傳

左懋第號蘿石山東萊陽人南皮令左之禎侄也嘗隨叔任居此因有并州誼及登第服官往返數過每至必與故游暢飲盤桓不忍別後以奉使狗義海內著聞不多錄也

國朝

楊頴昌遼東蓋州貢士任滄州分司捐俸修學親督工役且居官清慎疏商恤竈滄人德之陞乾州知州寓居滄城

陳錦號天章遼東人由武進士歷任浙閩總督未仕時隨父都閩公卜居青縣後赴任過青泊舟河滸延接士紳不忘故舊

蔡士英號魁吾遼東人兩任總漕文章經濟卓冠當時公幼居青讀書攻苦既顯達不忘舊愛往返過青多所捐施

河間府志卷之十七

仙釋志

志曰二氏之學儒者不道然極其所至亦各有理非塵俗人能造也舊志與方技並雜入人物殊屬不倫此自別有天地開闢以後上古未聞釋教萌蘖於漢明厥多扶疎至若廣成見於崆峒盧敖遊乎北海仙道昉焉二者存之而不必濶論也山經地志間聊以點綴風光可耳如方伎端有異人金史以張潔古劉守真入方伎識者笑之斯當世人物

高出群類豈區區小術足窺測耶仍附人物中

漢

石坦 渤海人遊趙魏諸名山遇異人得道能分身

同時詣十餘家已而各家皆云坦於某時到所言

各異後不知所往

一統志

白騾上人 不知名氏自西方來滄州騎白騾衲衣

錫杖俗呼七祖見東塘蘆葦叅天多虎狼傷人以

錫杖指示驅走無跡民得安生立堂以祀後亦不

知所之

鉉俗 住河間已數百年鄉人常見之日中無影惟

餌巴豆雲母亦賣之都市七九一錢可愈百病河

間王有病買服之下蛇十餘頭問其藥意荅云王

之所以病乃六世餘殃所致非王所招也王嘗放

乳鹿卽麟母仁心感天故當遇我耳王家老舍人

云嘗見父母說鉉俗日中無影召而試之果驗王

女幼避葷血清淨好道王以此女妻之居數年與

女俱入常山時有見者

女仙傳

三國魏

甘始 甘陵人魏黃初間自言能行氣導引老而少容曹子建密問之始曰吾師韓世雄嘗與吾作金子南海投數萬金海中又取雙鯉用藥塗其半置沸湯中游行浮沉有藥處鱗甲自如無藥處已熟而堪食矣子建求其術始曰此藥遠在萬里不可卒得也

博物志

隋

陳鉉裝 父光蓋登進士隋時除守無棣渡津被水賊劉洪害裝在襁褓母殷氏倉猝間以木匣貯之

置於河中 分水鎮西河壩金山寺僧人驚啓視之有字一行在衣襟知其本源丐河南岸康母乳之稱海流和尚貞觀十三年奉勅取經天竺賜號

三藏法師

郭外農談

唐

俞靈瓚 河間人入衡山九真觀修道十餘年南岳赤君授以回風術行之二十年能坐見天下事如在掌中然自晦不為異以驚俗憲宗元和中郴州官吏見其談說始異之即曰我偶然耳非有知也

遂閉關不出後人九疑山絕粒一統志

李長者 自滄來日食十棗一栢葉小餅掩室著論

無慮時後逢一虎長者語虎曰吾欲釋華嚴經可

與吾擇一棲止處處虎遂起行至神福山得一龕居

之乃著論年九十六化於龕中列僊傳

郝姑 字女君本太原人後居莫縣魏青龍間與鄰

女十人於漚澆洩水邊挑蔬忽有三青衣童子至

女君前云東海公娶女君為婦言訖敷茵褥於水

上行坐往來有如陸地其青衣童子便在侍側沿

流而下隣女走告之家人往看莫能得也女君遙

語幸得為水僊願勿憂怖仍云每至四月送刀魚

為信至今四月多刀魚鄉人每到四月祈禱州縣

長吏入女君祠先拜然後得入于祠前忽生青白

石一所縱橫可三尺高二尺餘有舊題云此是姑

夫上馬石尚存焉莫州圖經

元

海上老人 隱姓氏住渤海條山洞中時與山左右

耆老相遊息遇金亂年荒饑死者眾諸老憂切不

釋老人曰從吾入海以度年儉入海煮石而食甚甘美次年諸老皆肥澤而歸

明

董教清 號中壺羽士也初修煉於太和山之五龍宮久之欲游覽諸名勝遂涉荆襄歷秦蜀晉趙間得異人傳以醫藥濟世南皮有安姓者助資施藥乃留居之脉理通微藥本王道遠近咸稱國手年九十餘歲終

立慧禪師 號性空俗姓馬事母至孝通楞嚴圓覺諸典尤博儒書善吟咏正統中年將九十無疾跌坐而逝

河間府志卷之十八

列女志

志曰化行南國女德先被閨闈之關於風教匪細故也瀛地儒道素著人材森茂已可觀矣而貞淑之範纍纍簡牘其生而貴顯宮幃天家楷則固自不同無可論也若自仕宦以及閭井蘋藻流芳松篁挺美世有懿行豈歷代之風化攸隆而興起乃以易耶抑燕趙悲歌旣鍾於男子而餘亦鍾於女流耶歷覽芳型或貞操畢世或激烈一時雖秉義成

仁不同一致要皆足爲後人矜式云

漢

桓氏 渤海鮑宣妻也字少君宣就少君父學父奇其清苦故以女妻之裝送資賄甚盛宣不悅謂妻曰少君生富驕習美飾而吾實貧賤不敢當禮妻曰大人以先生修德守約故使賤妾侍執巾櫛旣奉承君子唯命是從宣笑曰能如是是吾志也妻乃悉歸侍御服飾更著短布裳與宣共挽鹿車拜姑禮畢提甕出汲修行婦道宣官司隸校尉子永

爲魯郡太守孫昱從容問少君曰太夫人寧復識挽鹿車時否曰先姑有言存不忘亡安不忘危吾焉敢忘乎

雋不疑母 史失其氏每於不疑行縣錄囚徒還輒問有所平反所活幾何人不疑多所平反母喜笑爲飲食言語異於他時否卽怒爲之不食故不疑爲吏嚴而不殘

隄

中書省侍郎清河崔覽妻封氏 渤海人也散騎常

侍封愷之女有才識聰辯強記多所究知時李敷公孫文叔雖已貴重近世故事有所不達者皆就而咨請焉

渤海封卓妻劉氏 彭城人也成婚一夕卓官於京師後以事伏法劉氏在家忽然夢想知卓已死哀泣嫂喻之不止經旬凶問果至遂憤嘆而死時人比之秦嘉妻中書令高允念其義高而名不著爲詩八章以記之

趙氏 滄州鹽院吏趙璘之女咸通六年璘犯罪應死旣就刑女請隨父死自訴七歲喪母父長育之辭旨甚哀鹽使崔據義之遂具以聞詔嘉之且減璘死女亦截耳事釋

唐

殷保晦妻封氏 封教孫也名絢字景文能文章草隸保晦歷校書郎黃巢入長安共匿蘭陵里明日保晦逃賊悅封色欲取之固拒賊誘說萬辭不答賊怒勃然曰從則生不然止膏我劒封罵曰我公卿子守正而死猶生也終不辱逆賊手遂遇害保

晦歸左右曰夫人死矣晦一號而絕

滄州鄧廉妻李氏 嫁未朞而廉卒李年二九守節稱堅布衣糲食六七年忽夜夢男子求偶李氏不許自後每夜夢之書符以禁不能絕嘆曰我誓不移志而爲此所撓豈容貌未衰耶乃援刀截髮麻衣蓬鬢垢面灰身無何夢前鬼謝曰夫人竹柏之操不可奪也

秦氏 高敞妻敞爲趙州刺史爲默啜所攻州陷敞仰藥不死默啜示以寶帶異袍曰降我賜爾官不降且死敞視秦秦曰君受天子恩當以死報賜一品官安足榮自是皆瞑目不語默啜知不可屈竝殺之

李孝女 名妙法瀛州博野人也安祿山亂被劫徙他州聞父亾欲間道奔喪一子不忍去割一乳留以行旣至父已葬號痛請開父墓以視宗族不許復持刀刺心乃爲開見棺以舌去塵以髮拭之結廬墓左手植松栢有異鳥至後母病或不飲食女終日未嘗親七箸及亾刺血書於母臂而葬廬墓

終身

宋

萬壽縣君徐氏 靜海人天章閣待制施昌言妻也
七歲喪其母哀甚欲自投水火爲父兄抱持而止
事繼母以孝聞歸施氏事姑謹紉縫烹飪必飭蚤
暮寒暑飲食必時姑亾哀毀得疾踰年而後能起
教五男一女不以愛故弛其勞遇外內婚姻宗族
有禮而逮妾媵僕婢甚恩旣沒咸悲哀思之歐陽
修曰生而善可稱未若沒而遺思之深也可謂賢
矣

李之儀妻胡氏 名臣尚書右丞胡宿之女讀書善
文嘉祐中從其祖母至內庭光獻皇后拊之曰是
胡氏有學能文之女乎之儀母死胡躬自負土封
穴哭泣不輟手植松栢成茂林李之儀無棣人今
慶雲是

金

劉氏 清州人許古妻定海軍節度使仲洙之女
貞祐初挈家僑居蒲城後畱劉氏母子於蒲仕於
朝旣而兵圍蒲劉謂二女曰汝父在朝而兵勢如

此事不可保若城破被驅一爲所汙奈何不若俱死已而攻城益急於是劉氏與二女相繼自盡有司以聞追封劉氏爲郡君謚曰貞潔長女謚定姜次謚肅姜以其事付史館

元

王氏 鄭之長豐里人蔡駢妻也年二十適駢八年而駢死生子元三歲守節不嫁常紡績以教子元長娶王氏女以孝謹聞未幾元亦逝子原良在襁抱中王氏嘆曰吾姑少寡守志我豈不能邪亦誓死不嫁孀居五十年姑年九十二婦年七十有司以聞旌爲重節門

胡烈婦 渤海劉平妻至元間平當戍棗陽軍載其家以行夜宿沙河旁有虎至啣平去胡拔刀追及虎斫之扶平抵陽城以傷卒事聞命卹其母子仍旌異之

王氏 交河人田士達妻也年二十五喪夫守節不移元至正間旌其門

劉氏 渤海人李五妻五卒早寡舅姑使再醮不從

舅患疽劉爲吮血旣愈親挽小車載舅詣嶽祠奠
謝

明

劉氏 生員柴時妻年二十七夫死子女俱無守節

年七十七歲卒

徐氏 生員于杙妻杙故徐年二十六誓守貞節奉

姑胡氏以孝聞訓子鍾讀書舉鄉薦

魏氏 少聘於同邑柳大節未婚大節病死魏聞之

不擇面常有泣痕將殯魏啓其父母曰大節旣殯

女欲往送之父母許之旣至觸棺而死鄉人哀之

因合葬焉

遠氏 生員劉泮妻泮故氏年二十子女俱無守節

愈堅六十餘歲卒

郭氏 儒士王紹妻生員王培業母培業生六月而

紹病故時氏年二十四誓死一節撫育遺孤郭氏

子培業廬墓哀毀過節以死士論多推其孝

于氏 生員李重耀妻生員于應中女及笄歸李執

行婦順越三載夫卧病凡七月氏衣不解帶寢食

俱廢顛天祈代重耀竟不起于是忍死以待翁姑
立嗣以延似續又禮嫁其夫之少妹水操圖政為
時所稱知縣牛象坤申聞表之

祁氏 年二十七縣學廩生戚通妻通病故家貧苦

節撫育週歲子守愚中正德庚辰會試武舉年七

十五歲卒

林氏 李文植妻年二十六守節食貧茹苦撫成幼

子年七十餘卒

修氏 薛尚智妻以無嗣守節

鄧氏 韓一經妻經故無子姑孀居失明織紡為業

事親撫孤三十四年節墜水槩後子介為邑庠生

知縣張汝蘊請旌其門

孫氏 生員葛署妻署早故無子貧居紡績獨守五

十年壽至八十歲故

畢氏 鄧節妻節因凶年攜父母併氏就食景州父

母相繼故節亦尋故俱藁葬景州氏年三十三子

女俱無不忍遺骸拋棄異土晝夜紡績歷人間未

有之苦數年薄積市地于城北八里庄親取翁姑

夫骨歸葬焉終身苦節至萬曆三十七年氏年八十五忽覺身痛語族人曰吾今得侍夫地下矣遂不食八日而歿

楊氏 鄧冕妻以二十歲守節貧苦不移八十四卒

郭氏 生員薛自道妻道故氏年十九俯仰無依銖紉自給苦節終身

張氏 王廷曜妻曜故氏教其子學書爲縣庠生

王氏 白一仕妻仕故撫棺慟哭七日不食毀顏深居撫其姪以爲嗣

傅氏 監生趙時卿妻年二十二歲守三子次爲博士弟子

祝氏 生員劉縉妻以十九歲守遺孤成立早歿長孫又歿次孫甫三歲復賴氏撫養宗祀克延

陳氏 張躩妻守節終身甘心艱苦

董氏 大同衛都督董公之女聘于都憲寇莊愍公孫璨璨故氏欲歸養翁姑父母不從遂絕食懣懣而卒寇禮迎而合葬焉

劉氏 婁殿妻以二十二歲守三歲遺孤貧苦萬狀

終不稍移壽八十一卒

朱氏 生員黃真妻子鍾生數月真歿氏年二十二

奉姑以孝聞訓鍾讀書登宣德己酉鄉薦

閻氏 生員王問策妻年十九策故守節五十餘載

趙氏 生員劉鴻儒母以二十二歲守節教鴻儒為

博士弟子上制科不第而故氏年七十哀痛過傷

嬰疾歿

靳氏 李庭庶室庭老無子娶靳生一子名晚成甫

八月庭歿族人利其產妬害百端氏辛苦保護為

子入資為太學生氏年八十一卒

左氏 傅應吉妻二十一歲守節無嗣孝養孀姑姑

歿行乞諸親葬祭成禮

尹氏 李姓婦有姿容村豪郭世美伺其夫遠出夜

潛犯之氏疾呼比隣世美懼而逃明日氏持刀趨

世美家自刎而歿

黃氏 生員賈允吉妻吉卒孀居脩極艱苦教子成

名

王氏 生員白穎祚妻繼子晉壬午城陷祚與晉俱

王死氏撫晉子璞教養成立稱完節云

程氏 趙三聘妻十九矢節事姑撫子歷四十年終

始如一

樊氏 鴻臚樊公廷狀女歸生員王光輔夫卒撫孤

有法歲壬午瀛城兵變與三子俱殉城難

張氏 高鑑妻鑑死氏事哀翁高汝貞最孝壬午大

兵南下汝貞被殺氏蓬首垢面負席持帚遍處覓

屍七日乃獲涕泣跪拜昇葬本塋邑人重之

楊氏 通判楊琦女適生員王光中壬午城陷赴井

死

馮氏 德平令馮時寵女孝廉左紹蘇妻也夫亾撫

孤自勵壬午城陷投井自盡

賈女 進士賈公太初女也壬午之變賈公殉城難

女年十三抗節不辱與父同死

○已上河間縣人

王氏 盧九成妻夫故年二十五翁姑衰老藐孤僅

三歲餘泣五日不食願甘一死以附葬周親力勸

乃止歷節五十餘年垢面敝衣自矢靡他比親終

子立家聲不墜知縣徐緩請旌其門

黃氏 劉子謙妻夫故年二十息弱族多強悍實苦
陵逼氏執節不屈者五十餘年知縣石維屏請旌
其門

牛氏 儒士呂種妻副使牛鸞女年二十一寡秉性
貞淑能甘貧撫孤迄於立成年逾九十知縣劉重
慶請旌其門

韓氏 生員林涑妻年二十六夫亾悲泣欲以身附
壙時舅姑在堂弱子僅就口食不果苦節五十餘
年二子青衿屹立里巷頌鄒母遺烈焉知縣劉重
慶請旌其門

王氏 李士經妻年二十夫亾子幼矢志苦節紡績
以奉舅姑撫弱息歷終始如一日比二親歿典衣
置葬晝夜號泣一時賢之壽至七十餘卒知縣劉
重慶請旌其門

張氏 李達妻達死張年二十六撫孤子殯舅姑守
節三十五年正統間有司奏旌其門

劉氏 廩生郭朋妻弘治五年朋死劉年三十家貧

甚躬織紡養姑知縣杜翊烏璞張繼芳俱嘉其節
月給粟米以濟之孀居四十餘年人無間言

陳氏劉氏李氏呂氏陳四姐 正德六年流賊經過
陳氏等義不受辱投河而死知縣杜翊奏旌其門
高二姐 高鑑女聘丘氏未娶爲流賊所掠道經丘
氏園乃給賊曰此有一女甚美吾爲汝誘之賊從
其言二姐入園縊死柳下

翟氏 孫佐妻有賣布者投宿其家明日誣訟其夫
盜布官逼成獄夫曰我良民今有盜名何以生爲
欲自殺翟曰爾死則子女誰育不若我死爾之冤
必白明日翟欲赴官泣訴至北橋遂自刎夫冤乃
白士大夫皆賢而惜之

唐氏 戶部主事呂耀妻耀故氏甫二十六歲家甚
王貧翁姑俱在一子方襁強欲嫁氏氏堅執不從事
舅姑有遺息一節凜然年八十九而卒二孫俱邑

王庠名士人以爲盛德所致云
胡氏 李德揚妻夫以貿易臨清盜劫隕命氏日夜
泣血死而復生孤兒尚在襁褓父母憐其少欲改

嫁之氏以死自誓饑寒不易至其孫正華以拔貢
仕至知府曾孫並以文武起家人謂苦節之報云
王氏 李士經妻也自十六歸李賢孝著稱夫亾氏
年僅二十四矢志苦守教誨孤兒八十五歲而卒
王氏 董弘功妻功家貧早逝氏針繡爲業奉翁姑
盡禮教子伸髻年入泮苦節三十五年而終
李氏 廩生韓克儉妻夫故氏自縊救解而甦刻苦
守節養親教子孫枝競秀壽登八袞
陳氏 都御史謚簡肅陳瓚之孫女庠生高年妻也
年早亾氏事姑孝教子嚴三子夢箕夢尾夢軫俱
有令名崇禎間邑中大警城危甚時長子出仕氏
命次子傾囊犒士及城陷母子授命賢士大夫無
不欽獎

劉氏 年十四適庠生高夢軫越歲軫以鄉試不售
惋憤而卒姑陳氏慮其年少無子屢勸改適氏毀
容剪髮撫姪爲嗣歷四十餘年稱女中完節云

牛氏 儒士張起田妻夫早喪氏年少無子厲節守
志誠事舅姑孝出天性

王氏 生員韓謂性之妻年二十九守節四十三年
孝慈兼至族里稱焉

○已上獻縣人

丁氏 陸璠妻正統四年夫死時丁年二十五專事
紡織奉舅姑以孝名守節五十一年有司奏旌其

門

李氏 宗禮妻生一子禮死家甚貧躬勤紡績孝舅
姑守節至五十八歲有司奏旌其門

唐氏 錢鈺妻鈺死孝養舅姑守節教子子瀾登鄉

進士任工部司務弘治十八年有司奏旌其門

金氏 熊信妻年二十信死止生一女倚夫伯母唐
氏度日家貧操紡織以奉伯母克盡孝誠待女甚
嚴唐氏曰汝止一女何苦如是曰吾嘗受母教爲
處女如此後事翁姑庶盡婦道守節四十年有司
奏旌其門

盧氏 年十九聘與邑人張鴻鴻病篤鴻母娶之過
門月餘鴻故姑欲嫁之盧誓不肯尚室女也家貧
姑老紡織以養姑死出所蓄餘布以備棺殮又獨

守四十餘年而終

曹春桃 曹端女也正德間流寇陷城女爲所獲嚇令上馬女不從投水求自盡賊出之仍迫更衣女怒罵賊忿亂剉之時年十五也賊繼悔曰我搶累無筭鮮不從者奈何殺此貞烈有司立祠祀之

白氏 庠生鄭續繼室也十七嫁越二歲而寡撫前子杠因家貧紡織自給其伯受富室囑欲逼嫁之氏誓死以却杠長克庠生亦早死撫孫本復克庠生勤儉五十餘年而卒

倪氏 同知倪雲鴻女年十五適庠生伊汝儼汝儼抱病半年侍藥不倦儼死每一慟二三日不止嘔血塊積寸餘翁姑憐之命次子跪勸飲食曰汝兄旣死我何用生爲竟不食死

邊氏 錢敦樸妻年十六歸于錢不一載夫故子女無出遂守節二十餘年家至貧事姑至孝崇禎壬午大兵圍城氏沐浴拜夫與翁之神主曰翁在以守節勉婦今其死日矣遂掩扉端坐城陷兵入氏不受污被殺

沈氏 生員郭應璋妻壬午城陷氏端坐于室兵至
神色不變但曰我讀書人家那有銀錢惟有一死
耳遂被殺

李氏沈氏 李爲郭應琮妻沈則其婢奴也壬午城
陷被獲援之上馬氏堅拒不從時幼兒及乳母在
側氏疾呼曰奶母用心看兒我好放心死去遂大
罵被殺

張氏 庠生倪秉樞妻守節二十一年壬午之變抵
死拒敵手傷敵面被刺而死

王氏 陳新國妻年二十七聞城陷牢拴門戶持菜
刀以俟及夫被執氏揮刀拒敵爲亂刃砍死
○已上阜城縣人

高氏 省祭官曹恩妻年十八適恩未及十年恩卒
子女俱無嫻戚憐其無倚勸之再醮高不從惟日
事紡績奉養舅姑勤苦終身人敬重之

馬氏 廩生路瓊妻年二十夫亾翁憐其幼欲令改
適馬不從終身寒苦節不少渝年四十八卒

衣氏 庠生李日強妻無嗣年二十三夫卒晨昏號

沈每朔望焚香告天願求速斃以繼夫亾戚屬有
勸其更適者氏厲色斥之不旬月病篤將死氏曰
吾志畢矣言訖而逝

王氏 袁岫妻十九歲夫卒得一子方懷抱翁姑憐
其少諭嫁之氏跪泣曰棄翁姑非孝拋嬰兒非慈
忘夫君非貞也如迫嫁必死鄰豪聞其姿倩媒持
金幣求婚翁姑亦許之氏聞上樓自縊人覺解之
得生氏後毀容紡績孝事翁姑撫孤成立萬曆間
知縣劉光遠請表其門

王氏 贈通議大夫王道明之女適庠生朱世祿家
貧甚氏朝夕紡績奉事翁姑佐夫課業及領鄉書
授廬州府司理卒於官氏觸棺號泣欲以身殉旣
睹衆孤環泣氏揮涕曰與夫俱逝則旅櫬誰將四
孤誰撫於是輓紼旋里葬祭成儀時宦囊如掃氏
愈勤操作嚴課四子安維安縑安綸安緒次第遊
泮萬曆間知縣張嗣謀申請旌表

汪氏 朱啓穎妻壬午瀛郡陷氏投井旋被引出抗
節不辱受刃身死

河間府志 卷之十八 風俗 一
邢氏 庠生朱嘉運妻壬午郡城陷氏曰吾年近四十罹此大變生復何爲遂縊死

李氏 任敬妻夫卒誓不適人事舅姑以孝聞成化間被旌表

孫氏 曹季妻知州孫晟女適季一年夫卒無子孝事孀姑動遵禮度朝暮哭不絕聲遂至雙瞽年九十卒

王氏 李廷材妻年二十二而夫亾子曰宗商方二歲撫恤甚至值令節輒不飲食閭里聞哭聲爲之罷慶賀孀居四十餘年

孫氏 曹鑑妻適曹二年而夫亾後三月生遺腹子玕父母欲奪其志堅執不從孤操凜然年八十九而卒

王氏 沈周南妻壽一百歲守節六十年

已上肅寧縣人

吳氏 生員魯雲妻雲卒吳年二十有五無子父母欲奪之吳曰天可容二日乎父母不聽私許於求婚者納采之日吳潛雉於無人之室

田氏牛氏 田氏劉三妻也年十九夫卒得遺腹子

撫養成立克邑庠生亦早卒其妻牛氏年二十三

效姑守節且孝謹五十五歲卒田氏八十三歲卒

顧氏 宋名妻名早卒顧年二十一無子姑憐其無

依諷以他適顧曰婦之不即死以姑在也姑今云

云是促婦死耳婦死姑何依耶守志益堅年九十

三終

張氏 適舉人閔彝生子琦未及週彝卒張年二十

二諸兄弟欲奪之張抱琦曰幸有此兒使無此吾

山西正德九年為鳳女曹春桃建

年九十

八不義

何如存我以存夫耶兄弟不敢強壽九十終

党氏 田四妻也子聚甫五歲田卒党年二十四撫

養孤幼紡織自給艱苦畢生垂老愈力人共憐之

孫氏 李懋妻美姿容麗服飾歸懋三載生子官而

懋卒孫蓬首垢面宛若老嫗出入嚴謹撫官成立

年九十餘始終全節

王氏 李端妻年二十有二端卒王撫孤自誓遂終

老焉

宣氏 生員謝賢妻也賢卒宣年二十有六無子惟姑在堂姑曰吾老矣汝無子勿誤汝也宣曰婦之事夫終身不改未聞無子則去也况夫不待親而婦又去姑何顏見夫於地下乎痛哭幾絕堅節不渝

李氏 韓富妻隨翁任臨安教諭翁姑祖姑及夫相繼而卒李扶四柩還家得遺腹子傑傑亦先亾艱苦備嘗節操無渝

徐氏 韓志妻也年二十孀居無倚節操彌堅躬紡績啖粗糲而事姑不缺甘旨鄉邦稱之

趙氏 林時顯妻也許聘時顯因貧流移在外數年父母欲改議趙泣曰我許林氏久矣奈何爲此不義父母不敢強旣而時顯歸始適焉氏年二十三矣三年而林卒趙撫孤悲哭瀆死父母恚之曰汝千爲林萬爲林今時顯已矣復爲林耶趙曰女之欠一死以此孤耳微孤安知女不爲林耶其親慚而退年七十始終一節

閔氏 年十七適崔永康三年而夫亾無子閔哀毀

骨立留柩寢室誓與同殯竟以悲號成疾與之藥弗用曰死則吾事畢矣又何藥焉病篤請母永訣曰母善自愛養母為兒戚今得與崔郎同殯無恨矣言訖而逝

鄭氏 性雅重通孝經列女傳大義十七歲適舉人張紹紹一日適市大風仆坊被壓而殞子崇甫六歲鄭痛夫非命以遺書授子卒成儒業年八十荷褒獎

鄭氏 張斯文妻年二十二適斯文甫期年斯文兄其妻婦繼公遺其三子其長子名顯其次子名將孰歸鄭曰是責在我撫愛甚篤未幾斯文亦凶鄭無出或勸其他適鄭叱之曰夫以三姪託我負之不義使三侄流離夫家無後不仁不仁不義非人矣何以立于天地誓無他志養育三姪成立娶妻生子抱曾元孫年九十餘而卒

鄭氏 金鐵妻也鐵早卒無子鄭哀毀踰禮藁葬中堂期與同殯每哭聲動閭巷為之輟歡年六十餘晚節益堅

河間府志 卷之十八
韓氏 賴國寵妻也韓年二十有四止一女甫週歲
寵病亟囑後事韓痛哭幾絕引刀斷左指以自明
寵曰吾目瞑矣氏堅持節操年八十而卒

董氏劉二姐 隆慶二年隨夫劉祐任石州巡檢秩
滿赴省起文董與十七歲女二姐在州適賊破石
州董與女恐其見污將髮縮結共抱投井而死數
日後有他婦自賊中回方指其溺井撈出猶相抱
如初事聞上臺皆義之給勘合回籍仍旌其節

李氏 史文通妻適四年而通卒止一女甫二歲李
甘貧守節撫女漸長擇儒士宋標爲壻教標苦學
得領鄉薦官至知州人謂李氏持身恤女成壻有
三美焉年八十五而終從祀節孝祠

閔氏衛氏 馮源妻早卒止一子閔號泣幾死遂至
喪明撫幼子馮登成立娶妻衛氏二年登亦卒閔
謂衛曰吾可守此子汝青年無自誤也衛曰婦道
終身不改姑老目盲婦去姑將誰倚每冬寒乏薪
則抱姑足以溫之食必姑飽而後舉筋姑八十
七歲卒衛守節五十餘年八十而卒有司請旌其

門

蘇氏呂氏 劉珏妻年二十六珏卒蘇撫孤棟嚴教

向學登甲第每訓棟清廉守官無玷名節任至知

府歸來囊空如洗未幾棟遘疾卒子女俱無蘇撫

樞痛哭曰艱苦五十餘年為延劉後今已矣何以

生為棟婦呂氏抱蘇痛哭曰天不祚劉一至於此

一門清節邑令表其門

林氏 生員邊湘妻年十八適湘五年湘卒子女俱

無林自誓守孀攻苦茹淡針紅自給終身足跡不

柏園 齊志在縣南三里許舊志所謂南園花木是也

瀾園 齊志在縣北城濠上范文忠公建有茂林灌木峻嶺清風亭崇木軒登碧堂承雪齋如石山房天然丘壑可稱名勝今廢

女乃撫棺號泣絕粒數日遂不發喪期於同死用

黨勸之曰婦節雖可守夫樞不可停泣從之乃擇

族姪以繼夫嗣方料理殯事即為已槨以終殉夫

之志及葬日夜哀毀成疾而卒

陳氏 儒士邊佐妻適佐七年佐卒陳年二十有四

子女俱無誓與佐同穴遂竝造灰隔百方就死父

母勸諭隄防乃不得死遂矢志守節飢寒貧苦人

吳橋縣

吳橋縣

門

蘇氏呂氏

劉珏妻年二十六珏卒蘇撫孤棟嚴教

向學登甲第每訓棟清廉守官無玷名節任至知府歸來囊空如洗未幾棟遘疾卒子女俱無蘇撫柩痛哭曰艱苦五十餘年爲延劉後今已矣何以生爲棟婦呂氏抱蘇痛哭曰天不祚劉一至於此一門清節邑令表其門

林氏

生員邊湘妻年十八適湘五年湘卒子女俱

無林自誓守孀攻苦茹淡針紅自給終身足跡不出戶年七十一歲卒邑令旌其門

閔氏

監生郭應兆妻兆疾卒閔年二十有四無子

女乃撫棺號泣絕粒數日遂不發喪期於同死戚黨勸之曰婦節雖可守夫柩不可停泣從之乃擇族姪以繼夫嗣方料理殯事卽爲已槨以終殉夫之志及葬日夜哀毀成疾而卒

陳氏

儒士邊佐妻適佐七年佐卒陳年二十有四

子女俱無誓與佐同穴遂竝造灰隔百方就死父母勸諭隄防乃不得死遂矢志守節飢寒貧苦人

不堪者陳獨甘之六十五歲以貧寒死

王氏 適周文魁早卒王年二十七誓不改嫁願撫
幼女魁父性褊狠逼王改適王悲號求親戚勸之
不聽盡奪所有家產而逐王于外王有母吳氏貧
苦孀居遂攜女詣母同居守節母先死王年八十
死身無棺殮土掩數年親戚憐憫爲文改葬

李氏 生員劉宗道妻道病二年竭力奉事備極勞
悴暨宗道卒李二十五歲誓死殉夫晝夜悲號嘔
血而卒與宗道同日合葬

韓氏 生員劉權妻權卒韓年二十有六止一女韓
撫女哭夫聲徹天地翁姑老家窘甚欲鬻權遺女
以資生計韓泣曰翁姑生而權死不幸也若并女
而捐之翁姑朝暮何以爲情竭力紡績以供膳養
女得免鬻邑令給米以優卹之及翁姑卒殯葬成
禮韓年七十餘卒

于氏 宋寬妻十七歲嫁寬遭翁姑壻俱不賢于克
盡婦道竟無怨言不二年寬卒子女俱無翁姑苦
逼改適氏甘貧守節不肯再嫁後翁姑密受財禮

強令出醮氏自縊死邑令旌其門

張氏 監生陳謨妻適謨四載無出卽爲娶側室杜氏周氏以祈子嗣杜生一女甫二月謨病卒時張年二十六與二妾號泣誓同守節杜潛自縊死周以哀病尋卒張抱女泣曰良人已矣二妾相繼我何難相從地下但念茲女無歸廼閉門哀毀與女相依及長嫁士族又早夭張號慟幾絕茹艱嘗苦六十餘年八十五歲卒

趙氏 儒士賴承謙妻適謙數歲謙得危疾泣謂趙曰吾死家甚貧無兄弟產業汝必他適但苦吾父母耳趙時年二十六許守節以養翁姑謙曰能如是死且無憾遂逝氏勤苦紡績供養甘旨及翁姑卒典衣鬻珥以營葬事苦守彌堅邑令旌表

劉氏王氏 劉氏龐奎妻王氏奎弟桐妻也俱二十餘歲夫卒各有一子二氏矢心守節撫養遺孤訓勉力學皆能成立奎子永福列名黌序劉年八十餘卒王年八十有五卒邑令旌表

張氏 孟縣知縣杜廷綦妻綦早卒遺子甫六月張

撫孤苦守茹荼食貧每夜篝燈勤紡伴子讀書男
濬領鄉薦知絳州封太孺人苦守四十五年壽七
十三卒

謝氏 知府曹一鵬繼室適曹四年謝年二十夫病
篤解任歸卒謝布衣糲食奉養舅姑壽終其前妻
遺子方五歲謝曰我雖未育今如綫一脈卽吾生
也育養勤劬子果成立三十年節操凜如一日也

劉氏 生員王守廉妻劉適廉家徒壁立日勤紡績
佐翁姑膳養且勸夫讀書中夜操女紅伴廉苦學
久不第憤懣成疾卒時劉年二十六遺孤維住甫
八歲維屏甫六歲維新方六月劉哀毀幾死殯之
日撫棺悲號曰婦非不能從夫子于地下奈諸孤
未立何遂守志教養三子相繼入泮年六十餘卒

郭氏 生員邊沐妻年十七適沐止生一女沐因父
病故哀毀邁疾諭氏曰我死老母無倚幼女誰撫
氏曰君死妾亦當死旣聞君言當留生養姑言畢
沐卒郭日勤紡典衣盡心甘旨不踰年女故奉姑
益謹及姑卒號痛無已過哀成疾而卒苦守二十

餘年邑令旌其門

謝氏 生員馮三謨妻適謨遭姑病氏同夫躬進湯藥晝夜祈禱姑竟死氏與夫俱傳染夫亦殞生時氏年二十四號泣絕粒因遺女三歲親戚勸解立志撫孤躬勤紡績以孝養舅及繼姑不三年女殤舅姑相繼病故氏朝夕悲痛成疾而卒苦節凡二十餘年

章氏 生員張熟妻熟故遺女五歲氏誓死隨夫不飲食者匝旬幼女哭勸強進湯水氏悲號弗顧饑餓成疾而卒與夫合葬邑令旌其門

閔氏 生員胡守寅妻寅未娶得癱疾辭婚不娶閔曰吾已許字卽屬胡婦倘得侍夫病異日相從地下實得瞑目自入門典賣衣珥延醫調治時閔年二十一夫臨危語曰我死汝必死堂中老姑何倚閔嗚哽曰承夫危命敢不留餘喘以事衰姑遂爲夫立嗣勤績孝養三十年邑令旌之

董氏 生員鄧紹先妻夫卒董年二十一子甫五月孀姑八旬董孝姑撫孤竭盡心力有強隣肆侮欲

奪其節董志愈堅教子游泮邑令扁其門

胡氏 生員郭遵妻夫病勤祈禱供湯藥夫竟不起
胡年二十五幼子二齡雙親衰老遂苦志守節閱
四十年翁姑生事死葬幼子朝夕撫育無不竭盡
心力家業賴以不墮

鄭氏 生員于諤妻年二十諤亡遺子二長甫二歲
次未一週鄭日夜悲號姑苦解慰卽鬻己衣物以
襄夫事苦節自堅孝事孀姑每燃燈紡績伴子誦
讀丙夜不輟長那珍廩生次萬搖鄉薦氏年踰八
十而卒

王氏 儒士祝房妻年十七適祝未二年祝卒遺一
子方二月王引刀斷髮誓不他適勤紡度日以盡
孝養姑卒事繼姑益恪每含淚訓子汝家三祖祇
爾一脉吾苦守至此爲延祖後汝可不勉學乎子
未居得補弟子員氏發居五十餘年卒

馮氏 孫繩武妻適夫四年夫卒馮年二十一悲哀
絕穀姑慰之曰此呱呱女非遺孤耶何忍棄之馮
乃矢節撫女值翁遠宦滇南家留衰姑少妾六齡

穉子遭姑病卒馮與翁妾相倚共養幼叔及翁病歸妾亾翁逝一綫孤緒賴馮劬養幸不墜云

閔氏 生員張德潤妻適夫五年夫逝止遺一歲女閔年二十熒熒撫育其茶茹苦事翁姑猶見篤孝及姑卒事繼姑更盡奉養四十餘年貞節凜凜

王氏 儒士謝文燿妻王年十四適燿三年有子週歲夫卒王絕粒求死姑多方解慰王遂蓬首垢面矢心貞守以撫遺嬰姑得奇疾晝夜祈禱願以身代且敬事夫之孀姊養育諸姪之幼孤者內外咸嘉其仁孝貞節云

李氏 序班鄭煜妻煜世業凋零早卒李哀鳴瘠毀扶柩歸葬煜父年登古稀無弟侄可倚李誓心苦守孝事備至撫二歲遺孤學成婚娶又故遺伯孫仲孫乳哺撫育艱苦一生年近八十卒

金氏 生員謝文焯妻焯早卒金年十八遺子襁褓苦守撫育不幸殤金痛哭欲死姑泣勸曰吾止一子一孫相繼俱歿汝死吾衰殘何倚遂爲金置嗣金撫摩恩養不啻已出勤奉衰姑壽及九十咸謂

金孝養延之孀居三十年允稱全節

郭氏 邊杲妻杲娶郭一年而卒郭號泣守志姑因家窘勸之改嫁郭痛哭求死事方得寢啖菜食糠足不出戶苦節五十年七十歲而卒

武氏 生員顧民懷妻夫早亾家貧無子女矢以身殉每夜守棺號泣及至營葬輒投夫壙求死親戚救甦成疾臥啖糠糲強留殘喘年七十而卒

金氏 李雲鵬妻夫卒金年二十子女俱無誓不再嫁與孀姑同室起居朝夕饗餐甘旨備至姑婦相依純孝貞操終始無間

高氏 監生宗楷妻楷卒高氏二十六自誓不醮孝養老姑撫育孤兒歷節四十年不變

田氏 金守妻年二十二夫病卒家業清貧止遺一女僅二歲遂守節劬養躬親織紝以事翁姑姑卒奉繼姑益謹有母姨爲富人謀婚田唾其面終身不見年踰七十而卒

羅氏 季氏 李禹妻氏年二十二夫卒家貧苦守育孤成立爲娶妻季氏二年子懷亦故有遺腹五月

始生姑婦雙節紡績爲生共撫孤孫羅氏八十二
二季氏七十三相繼卒

閻二姐 偶往田間摘菜惡少黃旺窺閻有色強拉
姦污閻極口詈罵堅執不從旺怒持鎌殺之淫惡
雖正典刑乃女之剛腸正氣不愧貞烈云

吳氏 巡檢殷相之繼室歸相生二男一女相卒吳
方二十一歲勤撫諸孤備極艱苦嘗指子女泣曰
方爾父卽世吾不難身殉所以不死者以爾輩故
也邑令申請建坊至八十九歲卒

曹氏 龐招俊繼室明末寇警家修土窖事急令婦
女隱匿以土築之賊至爲無賴族子所指啓其閉
曹氏出焉令人營造飯曹不從且詈之賊怒繫于
室而火之并殺族子而去

高氏 路守洪妻戊寅兵亂同兄女被掠入營氏遇
鄉人同難者懇其攜逃其人慮相累不允乃泣告
以祖父姓名曰寄聲我家當于此覓吾姑姪屍也
遂入營帳伺間取刀先殺姪女卽自殺鄉人語其
家取屍而還

河間府志 卷之十八
楊氏 苟文魁妻魁故誓不願生痛哭不止跪死于夫棺之前

高氏 生員任傑妻傑死氏年二十四一子甫三歲苦節堅持家童過七八歲者卽不令入宅雖妯娌之家曾不一往妯娌怪之氏曰爾家尚有伯仲且少婦過往街市或多議論衆歎服之教子道進邑廩生

高氏 生員姚佐妻後姑暴甚曲意承之佐死無子氏年二十二誓不改志家益貧與侍婢以紡績自

給婢感其義夫死亦守節不嫁

○已上任丘縣人

崇禎戊寅之變現祀貞烈祠者三十五人俱詳縣志此不及載

楊氏 王增妻增卒氏年二十七守遺孤清成立清亦早逝妻馬氏年二十八亦守志不移撫遺孤景梅景桂景竹姑婦紡績以自給雙節同盟後俱壽終

楊氏 段茂妻茂卒氏年二十餘立志不移撫子師賢成立陣亡復撫孫文禮孀居五十年節操益勵趙氏 生員吳從周妻從周故氏年二十七子守性

浦五歲氏立誓守節勤紡績甘澹薄訓子嚴肅後入邑庠氏苦節始終不變

尚氏 吳東周妻東周死氏年十九子鳳翔不足三月舅姑俱無產業零落氏挺身堅守苦辛備嘗撫幼兒承宗祀內外毫無非議有司累旌其門給丁侍養舉其子充附學生

牛氏 恩貢常自愛繼室自愛卒氏年二十八守死不嫁有謀娶者百端竟不移志撫前子成立有司題請坊表

王氏 高寧妻寧卒王年二十九貧甚紡績度日守一子達娶杜氏達三十五歲故杜少三歲如姑孀居守一子錦娶李氏錦四十三歲故李少二歲守二子相繼孀居一門三節世所稀觀云

孫氏 監生魏卿妻卿故氏年二十二守節子宗正纔三歲謹事舅姑後舅姑繼逝氏撫子成立援例太學以承父志

張氏 王道東妻道東死氏年二十六家極貧惟以紡績刺繡爲生一子甫三歲卽命名曰守節舅姑

年邁氏竭力事之比歿葬各有禮其子終亦成立王之宗祀賴以不絕

余氏 常國相妻國相故氏年三十子女俱無欲從夫同死親戚百端勸解始止孀居至五十二歲鄉耆公舉于縣旌表其門

邱氏 宋偉妻偉故氏年三十遺子鐸女二俱幼氏守節遂終身不飲酒茹葷事翁育遺孤克盡其道勤勞家事次第贖夫鬻產里人以賢能稱焉年五十而卒

溫三姐 泊頭鎮民溫欽女也年及笄未許人正德六年賊劉六至鎮民各竄去女偕伯母劉氏及里中百許人爲賊所驅賊欲污之女大罵必不從適官軍追迫賊擄女于馬上女投于地罵不絕聲女以手指抉賊一目血流不止賊怒取刀斷其十指劈碎女面棄去嘉靖元年旌表建廟祀之

常氏 滑守先妻先幼孤育于祖廷獻老年多病氏歸先侍湯藥不倦越二年生子登又二年而守先病篤氏哀號叩天願以身代聞夫呻吟輒嚙臂刺

骨以分夫痛繼而夫歿絕粒七日又三歲夫弟守道復死遺囑氏恩養時廷獻傷兩孫繼亾家徒壁立愁深病篤氏力勤女工仰事俯育無或少缺又六年而祖歿氏典奩殯殮成禮年六十七子登成立有司請表其門

馬氏 謝應時妻年三十而寡遺孤旭幼弱族人利其產多謀害之氏益苦節教子食餼邑庠壽六十餘

劉氏 謝仲仁妻年二十九夫故家貧子幼辟

給至親不輕往來守節五十年如一日
○已上交河縣人

馬氏 長史政之女適同邑引禮舍人吉占正德七年兵變賊欲污之氏罵不絕口遂遇害詔旌其門

蕭氏 廩生裴恭妻恭早卒無嗣氏年二十四侍養舅姑清節凜然以壽終

張氏 生員苑琇妻年二十六琇故撫孤成立孝事翁姑苦節三十餘年有司奏旌其門

張珮女 年十八尚未適人遭流賊突至被獲欲汙

之不從賊持刀嚇之女曰寧使吾身血賊劍不使賊子汗吾身罵益厲賊遂殺之

楊氏 范寧妻寧卒氏年十九無子侍姑盡孝節操聞於遠邇

蕭氏 生員姚同文妻年二十二守節事公姑孝敬兼至撫成二子列名庠序

孫氏 生員姚濱妻濱故氏育遺腹子撫之成立奉文旌表

黃氏 姚光表妻二十四歲守節子命禹甫七歲氏教訓入學出仕侍奉舅姑四十餘年崇禎間旌獎節孝

朱氏 孫瓚妻年十六守節七十三歲終以苦節被旌

姚氏 廩生王可迪妻年二十三可迪故子甫周歲氏養親教子艱苦備嘗享年八十有司旌之

馬氏 馬冲斗女年十六未字崇禎十二年兵變女被逼辱叫罵甚厲鞭挺交加誓死不從遂遇害

○已上青縣人與濟縣併入

楊氏 樊得華妻有姿色遭寇變強攜上馬大罵不從賊以金銀誘之其罵愈厲賊怒斷其首屍僵立不仆手猶有指罵狀賊驚異散去人往視之顏色如生血猶湧出申請坊表

張氏 生員蕭汝重妻適蕭三載夫故遺姑年老子幼家貧親操機軸以供甘旨姑寢疾臥起扶掖不少怠撫前二子如已出篝燈蓄饌以課其工二子皆爲青衿孀居五十餘年操履堅貞內外無議

李氏 閻浩妻浩早逝家貧氏苦守翁姑欲奪其志不能氏內盡女工外課農桑策勵兒孫家聲克振守貞踰五十年享壽八十餘歲

于氏 儒士王德風妻夫死氏託舅姑于兄嫂號哭不食七日死有司旌其門

徐氏 別駕齊公魯妻公元配卒于官誓不再娶父母憐其苦迎徐送之任所成禮公重違親命又凜前盟悒怏而死徐扶櫬歸里守節終焉壽八十歲教前子成學迄今傳之曰徐老姐謂其終身處子也

孫氏 父灝嘉興令姊性呆不知人事氏豐美穎慧
問字者多會長而及之女曰姊配乃配不然終身
不配也竟同姊老于閨奉姊朝夕惟謹享年七十
並葬于城外至今墓在焉

楊氏尚氏宮氏 故民陳恕及其子友文孫魁妻也
三代少寡貞節競標均被旌表

李氏 貧民于嶺妻盛年而寡守子子死弟欲嫁之
誓死不二以浣衣業寄食舅家沒齒不見色笑七
十乃終

徐氏 李橘妻橘故年十九無出紡績度日苦居六
十年壽八十被旌

李氏 廩生胡繼芳妻芳故年二十二諸子俱在襁
褓家甚貧孝親撫子享年八十有二有司請表之

邢氏蕭氏 邢鴻臚高萬億妻也子如斗早死遺妻
蕭氏年二十二守節養親育兩孤于襁褓未幾吐
血死無何鴻臚亦亾邢撫教兩孫享年八十有五
後以曾孫爾儼貴俱

誥贈一品夫人

郭氏 儒士宮論妻夫逝氏年二十五家貧子幼舅
姑老適氏孝親訓子後子繼孝舉于鄉

胡氏 庠生陳尚賓妻賓故氏年三十訓子教早食
庠餼孀居五十年公舉旌獎

于氏 馬邦屏妻二十而寡子幼姑老慈孝著聞郡
邑旌之

劉氏 庠生李果妻二十一歲孀居家貧如洗事舅
姑生死盡禮教子邦奇爲邑增生苦節閱五十年
劉氏 于道一妻二十二寡居撫二子成立有司匾

其門

胡氏 生員張問仁妻夫卒貧甚教子延祚補邑庠
壽五十八

劉氏 生員鄭雲蛟妻年二十五孀居無子苦節五
十年

楊氏 劉一本妻夫死紡績事舅姑訓子之奇食餼
劉氏 趙思恭妻少寡訓兩子成立糟糠無悔年六
十五卒

○已上靜海縣人

杜氏 楊時妻年二十歸時時旋卒無子誓不再嫁
嘗有白鳥棲于庭槐人以爲天表其粹潔云年八
十三卒

尤氏 丘一哲妻三十三歲哲亾無子孀居六十年
節行凜然人以女丈夫稱之年八十五卒

崔氏 潘洪妻十六歲歸洪甫三年洪卒無子孀居
四十年節操如一日

楊氏 方進貴妻年十六嫁方四年方卒無子哀慟
幾絕誓不再適會有劉姓者通媒舅姑欲強嫁之
氏陽許諾隨閉門縊死

楊氏 孟隆妻年二十三夫亾子節甫六歲誓不再
適奉舅姑撫遺育取給紡織有富民通媒氏憤罵
之舅姑卒皆以禮葬比子節成立乃有餘積拓產
治田五十年貞節如一

姜氏 楊淮妻年二十餘淮卒止一子名甫方二歲
撫育之晝夜機杼不輟後甫早卒遺孫男女俱愛
養成立一節堅持卒年八十五

崔氏 潘洪妻十六歸潘三年夫卒無子孀居四十

年終始凜然

張氏 蘇萬強妻自結髮來以孝敬聞正德間值流寇之變與鄉婦羣匿柳叢謂羣婦曰倘遇賊非死不足明節非大罵恐不得死無何賊搜出張果怒詈賊忿甚受害極慘明年賊又至萬強恚恨率鄉中少年禦之遂亦遇害遺孤二人至曾孫騰鳳登國朝己丑進士書香蕃衍咸謂節義所培云

○已上寧津縣人

胡山女 年十六未適人正德間流賊突至女避不及賊悅其美將犯之女罵曰我良家子豈狗類匹耶賊猶不忍加害女罵益急賊怒遂縊割之

趙氏 生員張雲乾妻年二十餘夫亾無子家貧誓不更適四十餘年清操如一日

趙氏 生員高啟妻嫁八年啟病故遺一子美五歲家歎躬任紡績教子不事姑息孀居五十年覓子成立

韓氏 王之畿妻氏年少畿病故二日氏亦縊死

周氏 張燦妻燦死氏痛哭日夜不絕聲每數日不

食月餘亦死與夫同日葬焉

姚氏 李桂妻年十六生子百日夫亾子母孤寒守

節終身無二

紀氏 監生王梓妻夫早故事孀姑撫遺孤守節終身

高氏

廩生畢長策妻崇禎壬午被獲厲罵激兵被殺妾高氏給兵至南園投井死

裴氏 中書王炳然妻炳然死氏子女俱無氏誓不

再嫁守夫家法不軼尺寸

李氏 張垣妻年二十二夫亾無子惟撫一女事舅

姑盡孝舅歿守喪尤謹每令僮僕輒垂簾孀居三

十餘年罕有見其面者

張氏 段縞妻年十七生一女而夫亾矢志守節三

十餘年人無異詞

張氏 生員高依仁妻仁死氏方十七男配乾歲甫

週父母翁姑憐其少欲嫁之氏曰今日苟存爲此

兒耳貞守至八十二歲卒

楊氏 馬任政妻適政家徒壁立氏孝事翁姑年二

十四而寡屢遇兵荒節操益勵姑病歿剪髮易藥

辦貲殯埋不敢失禮歷五十餘年而子孫蕃衍書

香克振

薛氏 王高妻三十三歲而孀有兩子二女俱幼繼姑逼令改適百計折磨氏不易志姑怒逐氏母子于外備歷艱苦終無怨悔後至八十而終

○已上景州人

陳氏 趙見妻正德間劇賊劫畧至其家欲汙之氏唾罵衆賊強逼氏罵愈厲賊怒支解焉

許氏 張本妻生子玉尚幼本死氏年二十三躬紡績訓玉讀書後舉進士爲御史

吳氏 生員周賢妻子尚文數歲賢故氏年二十四訓子篤學貢入胄監授知縣氏年八旬餘以節終焉

孫氏 生員郭經妻適二載夫死氏年二十一遺腹生一子亦死姑意其年少受人財欲奪氏志氏訟之于官縣令李欽訊其情使得守節年七十餘歲一無玷焉

范氏 生員范桂之女適馬蓮纔五載蓮病故止其男方二歲氏年三十家事寒微氏蔬食啜粥育孤

子五事爲邑庠生氏存心冰蘖如一日

張氏 周本順妻順卒氏年十六守節三年翁念其少且家貧欲嫁之遂剪髮爲尼朝夕焚誦父母憐其志于宅邊隙地築菴居之終身不出門戶

李氏 趙存仁妻年方二十一存仁歿遂立志自守

未幾翁故家業凋落氏躬操井臼以糊其口姑病痿疾不能動履氏抱持上下之備極艱苦無子止

二女

陳氏 適祈果一載而果死氏年十九有姿色人爭

慕之氏恐遭無賴遂削髮誓守七十餘年以節終焉

趙氏 馮紀妻紀死年二十七子名自警方幼氏備針自給警成長娶媳王氏生二子警亦死王氏與姑皆完節終身焉

劉氏 靈山衛經歷萬桂妻桂歸卒林下氏撫孤子邦傑游成均孀居四十年備極艱苦

邵氏 李如雁妻雁死氏年二十五朝夕焚香誦經終身不懈稱完節焉

鄧氏 王汝欽妻子一洮娶梁氏女王氏適陳志遠
 皆少寡而梁氏所處尤艱孀姑久病藥餌撫摩累
 歲不懈家無生產常至日不舉火臘月單衣教子
 穎長領乙卯鄉薦歷陞河南守道封梁為太孺人
 李氏 歸鴻臚劉公長子俊烈夫卒年甫十九矢志
 守節事姑以孝聞

陳氏于氏張氏 鄉民劉變化之母與祖母曾祖母
 于氏養孀姑撫孀婦三世苦節詔旌獎之

戈氏 監生李雲蒸妻崇禎十年蒸被難氏抗節不
 辱並被殺

郭氏 張之綦妻綦博飲無行偁氏失身氏忿恨自
 挑其目綦猶偈不已氏恐不免遂投繯死

○已上吳橋縣人

王氏 生員李志學妻十九歲喪夫上無翁姑下無
 子女熒熒子立甘貧守節者四十有四年

苑氏 生員侯朝彥妻年二十歲夫病狂欲殺之曰
 恐死改嫁耳苑以死自誓剪髮塗面孤身績紡雖
 至親罕窺其容壽七十五歲而卒

姜氏 生員陸烜之妻烜故氏甫二十三歲得遺腹子親老子幼躬辟纊以供甘旨親蠶泉以備束修孀居四十餘年養親盡禮教子游庠著稱完節

竺氏 夫吉木歿氏十九有遺腹家無寸土恪事舅姑厥後子孫蕃衍家業頗興壽八十餘

李氏 陳居妻年十八夫故立誓守節上孝姑嫜下訓孤子制行猶冰

袁氏金氏 于三畏于三省妻也妯娌俱少寡撫孤持操相誓同志稱一門雙節云

趙氏 夫故無子翁老族人咸魚肉之氏買一婢進之翁翁不納氏跪請曰翁雖老婦不便近前願留此女翁強納之久而有孕生一子氏撫育教訓遂延似續焉

韓氏 吳邦儒妻 崔氏 生員閻有俊妻

杜氏 趙時顯妻 劉氏 孟思德妻 已上四氏

皆少年矢節終始冰操內外推獎

○已上東光縣人

盛氏 生員孫惠妻也惠死時盛年二十四閉門紡

績育養二孤人無間言年七十餘歲

劉若蘭 劉鉞女嘗納某采某家貧避地遠去十餘年不相聞鉞亦貧富室顧慕若蘭姿色欲納聘若蘭自縊于室母奔救得免開諭百端終不聽旋託浴閉門自經死

盛氏 生員孫惠妻志不再適奉詔旌表

扈氏 鄭昕妻十六歲守節志堅操潔撫男謙亨成立娶妻李氏謙亨病故李氏孝養扈氏誓不他適趙氏 李恩妻甘心守貞六十七年備嘗辛苦九十

王八歲而卒

門氏 李爾馨妻馨亾氏堅撫繼嗣節比冰蘖

丁氏 劉九思妻夫故年二十五遺孤四歲織紡度日孝養舅姑及子殤持節彌堅竭力奉親始終如

任氏 石翼妻夫亾年二十四矢志堅操撫孤成立
王衣穿食缺妻楚四十年凜然完節

趙氏 周喬妻夫亾年十六無子誓志守節備嘗艱苦竟以憂憤病卒

陳氏 萬化行妻夫故年二十二撫孤守業始終不

改

王氏 沈洲妻洲卒年三十有二三茹冰咀藥保業訓

子年近百歲

劉氏 刁可法妻法卒年二十有二攜幼子事孀姑

家道零仳節操堅勁

王氏 尹大政妻嫁甫期而政卒年方十六誓不改

適孝事孀姑蓋守節之最苦者

王氏 光祿監事張克昌妻孝姑撫幼貞節可矜

黃氏 刁可嘉妻撫養幼子艱苦備嘗允稱全節

秘氏 李宇妻早寡孝事衰姑撫幼成立志節堅苦

趙氏 李恩妻守貞六十七年備歷辛苦九十八歲

卒

何氏 李緒妻夫故年二十五遺二子撫成之長自

立娶魯氏無子仲自茂娶某氏生子貞甫歲週夫

婦俱歿自立亦故何以魯年少勸令改適魯泣曰

姑老姪幼氏死且不可况可去乎遂誓與姑同節

後貞入邑庠何年九十六魯年七十九稱雙節焉

王氏 劉維忠妻夫故年二十一遺孤四齡家道貧

窘紡績自給撫幼事親各盡其道年九十餘歲

翟氏 生員秘養邃妻辛巳兵變驅之從行投井死

張氏 郝允昭妻著稱賢孝成寅兵變匿土穴中被

發堅持不從遂遇害

○已上故城縣人

李氏 何昇妻昇卒氏年二十二一子睦甫三歲植

孤守節成化間旌表

邢氏 邢表女正德間流賊至城閉女隨父夜奔曾

家莊賊獲女劫以威女痛罵不從賊怒殺之

米氏 閔佑妻正德六年流賊至獲氏挾汚氏罵賊

自毀其面遂被支解

楊氏 夫王建中故楊氏二十餘歲孤孀且貧守子

品日不聊生以針指爲活計年七十卒

張氏 天津衛廩生劉璧繼室璧故子欽甫六月氏

二十三歲堅志不移孀居五十餘年故

李氏 廩生米守正妻年二十二夫亾家貧撫子燦

暨孫富夏俱爲庠生

孫氏 省祭李應科妻三十而寡族人同謀嫁之氏
刺血誓神不為動苦節四十餘年撫已子與庶之
子俱成立居有雀蛇之祥人以為瑞應

路氏 生員王楓妻楓亾氏年二十柏舟自矢撫子
煥孫肇稷俱為庠生

馮氏 宋魯妻魯故子守志甫生六月撫之成立三
十年貞節不變

馬氏 馮士舉妻年二十七而寡家貧紡績自給撫
孤小保成立年七十六歲貞節不變

李氏 于宗建妻夫故守遺腹子成立孀居四十年
清操不改

劉氏 崔波妻也二十二歲而寡子女俱無一貧如
洗甘心苦節拾禾延日居六十餘年以壽終

馬氏 生員姚讓妻年二十孀居撫孤一齡勤紡績
教子餼食膠庠事舅姑至孝奉詔建坊旌表

張氏 劉謨妻年十八孀居母老子幼浣漿度日誓
無二心年近七旬按院題旌

許氏 儒士米炫妻嫁八年夫卒撫兩遺孤成立事

親教子歷盡艱辛年踰七十屢被旌表

鄧氏 年二十二歲夫盧守義心疼自縊氏悲號甚切至半夜亦縊死

龐氏 郭應鶚妻十七而寡得遺腹子堅志撫養有司旌之

劉氏 陳衷素妻夫死年甫十六立志守節撫幼子事舅姑極稱慈孝

劉氏 陝西叅議齊之宸妻崇禎十六年流寇破省城氏同媳謝氏姪孫媳李氏俱縊死

○已上滄州人

李氏 李資女許聘巨惠時正德六年爲流賊所逼不從罵不絕口遇害極慘年甫十九

周氏 黃塗妻年二十一夫亾子良相生一週家貧紡績侍翁姑以孝聞教子讀書充儒學生年八十

三歲

馬氏 生員劉瀾妻年二十二夫亾子棟相業儒孫

翰光宦光力學強行皆氏之家教有素也年八十

二歲

高氏 吳茂才妻也茂才年二十九始娶高高甫十
七執婦道甚謹茂才遭痞疾不可藥婦昕夕進饘
粥除糞溺年餘無怠意茂才知不可起執婦手曰
吾不起命也願子早得佳偶以答子勞婦曰如君
言是二妾也君逝當與俱逝特先後聞耳吳每言
及婦對之不二後茂才卒殮葬畢婦哀毀不食者
累日父母百端溫諭且欲奪其志受他人金卜日
將嫁之婦知之謾應曰如命請得絮酒炙雞致辭
于亾者舅曰貧無以備請楮錢辦香曰亦無以備
婦恐疑而阻之遂往墓側哭盡哀墓前有樹僅拱
把脫足纏就縊死跪而向墓面色如生觀者異焉

鄭氏 劉琦妻夫故守節家貧紡績以給撫成未週
歲子文義義繼妻楊氏適半載卽寡同姑撫前妻
子賡矢志無二賡爲庠生

劉氏 湯楷妻年二十一夫亾無子女日夜哀號旬
日不食姑苦勸始進七箸偶有議婚卽剪髮自誓
更欲求死守節四十餘年

王氏 年未二旬夫張文秀卒守二子家貧歲荒不

舉火者三日及翁姑歿無以為葬鬻一子以襄事
苦節五十餘年

趙氏 劉呈芳妻年二十二夫亡無子女家貧甚日
不再食紡績以奉舅姑舅亡與姑相依夫弟欲嫁
之礪刃自刎乃止夜雨廬壞立水中達旦不就棲
隣宇姑亡亦即謝世清操二十餘年

黃氏 武生崔文俊妻年未二旬夫亡子僅週歲守
節二十餘年乙酉大兵破城將污之不從而死

穆氏 庠生白德崇妻為大兵所執義不受辱投井
死一時死者甚眾不能悉載

○已上南皮縣人

邊氏 韓思貴妻貴死年二十五又思貴兄思遠卒
妻劉氏年二十六俱守節不二孝事舅姑洪武間
旌之

李氏 子四長茂德配張氏次仁義配孫氏次興祖
配張氏次希賢配陳氏昆弟皆早世娣姒俱誓無
二志茂德子勉學六歲孤興祖子志學八歲孤希
賢子敏學在腹而孤仁義無子甘紡織同居終身

子相繼成立人謂之一門四節

劉氏 崔祥妻祥死氏年十八父母欲嫁之不奪後
遺腹生一子撫養成人守節六十五年壽八十三
卒

李氏 王憲妻嬪六月而憲卒時李年十九有遺腹
舅姑欲嫁之不從及彌月生子李撫養之終不二
心

馮氏 宋甫林妻年二十一甫林亾子未週歲誓不
改嫁躬織紝操井臼事舅姑撫幼子孀居四十一
年而卒

霍氏 知縣淵之女生員劉繼芳妻年二十繼芳死
無子苦守孀節年八十三卒

李氏 劉架妻年十七架死無子舅姑欲嫁之不從
苦守孀節年七十七以疾終

朱氏 生員高渭妻年二十五渭故無子守義不變
甘貧以養孀姑立姪以繼夫嗣壽幾七十人無間
言

朱氏 張永錫妻永錫故朱年二十三二子俱幼乃

守志教子始終不移長子沂廩生次子汝增生士
論賢之

張氏 高大體妻夫故張年二十三遺一子尚在襁
褓孀居四十餘年遭子不肖蕩家幾盡而冰操愈
厲

劉氏 王守成妻夫死氏年二十四守節撫孤四十
餘年有司旌獎

邢氏 貢士張繼世繼室夫故氏年二十九守節課
幼子張格勤學績紡以佐之後補廩生

高氏 韓得禮妻夫故氏年二十五家貧無子甘心
守志撫夫弟成立妯娌同居雍雍無間著稱節壽
年至八旬

許氏 宋友妻夫故氏年二十六勤慎績紡教子成
家

祁氏 廩膳生李遷桂妻夫故男繼元二歲撫育成
人娶妻王氏繼元病故姑婦孀居王氏亦生子小
安姑婦堅心苦守織紡自給

張氏 生員劉自持妻夫故氏年二十四遺腹子三

益撫養備至織紝佐讀補邑廩生守節四十餘年而卒

霍氏 劉喬齡妻夫故氏年二十四生子金鉦未彌月氏苦心艱守績紡成家不以險葬二志經四十餘年如一日

王氏 生員張鶴妻夫故氏年二十六子利蒙在襁褓氏堅貞自持撫育教訓補邑庠生後子亦卒伶仃無倚艱辛備歷孀居五十餘年

侯氏 王忠肅公爲都憲張夫人置氏作妾逾歲方以告公公不納贈以金幣遣之返氏不復嫁公卒氏斬衰哭臨公男竚感其志留養如庶母禮氏竟以處女終身旣卒祔公塋側

劉氏 進士王文棟妻崇禎己卯兵變氏攜女避地窖中搜脅不從投地厲罵母女同斃刃下

霍氏 廩生邵汝德妻霍堂之女孫崇禎己卯兵變被掠懼辱自縊死遺子冲方六齡後成名人稱烈報不爽云

孫氏 儒士劉滙之妻崇禎己卯兵變逼令乘馬氏

投地不屈被殺

趙氏 楊宏妻宏卒五月生遺腹子氏年二十二歲
事姑撫孤三十三年子後亾教育遺孫俾得入泮
氏年七十三歲卒

李氏 典史崔居州妾十八歲適崔八閱月而州卒
子女俱無矢志守節以壽終

霍氏 生員賈從新妻歸新僅三載夫卒子女俱無
氏甘心守節親族罕見其面四十餘年如一日

劉氏 賈天恭妻年十七適恭泮年恭逝劉誓不再
適壽至七十餘歲

三張氏 一姑兩媳姑廩生劉恒性妻年二十九而
寡撫兩子曰讓曰慎讓早亾子爲砥生甫四月慎
復亾兩媳俱甘守節事姑盡孝撫孤爲砥入泮一
門三節邑令旌之

○已上鹽山縣人

張氏 劉泰妻泰死張年十九哭誓守節織紡自給
撫孤子成人

趙氏 生員田襲妻襲死趙年二十孤四歲孝事翁

姑守節不渝

翟氏 生員杜時雍妻年二十二正德六年流賊楊虎破城翟抱子罵賊不輟聲賊殺之

陳妙存 陳宗禮次女年十七正德六年流賊破城女遭擄罵賊不從賊怒以刀刺之遂死

張氏 生員胡敏學妻學死張守貞不二

鄭氏 谷全妻流賊破城被執罵不絕賊怒碎屍而死

姜氏 生員馬斯臧妻于歸三月臧得疾死姜年一十六哭泣不止越月餘自縊於斯臧墓

賈氏 生員陳俞妻年二十五歲遭兵變是日值舅病終家人挽之避氏痛哭曰舅靈尚未收棺媳何惜一死身服斬衰不解兵至迫之出罵不絕口鋒刃交加幾無完膚與舅靈同被火焚而死

劉氏 邑民王自復妻年十九歲遭寇變扶掖上馬屢次觸地賊怒劈數段

尹女 尹世福女方笄有姿色己卯兵變挽之欲辱不從投磚石拒之罵不絕口兵怒推入室中縱火

焚死

秦氏 竇九曜妻曜被讎誣捕役執氏欲亂之抵死不從自持刀刺心而死

劉氏 王顯祿妻年二十遇賊將辱之不從罵賊被殺

劉氏 石漁妻夫死氏年二十四撫一子一女備茹辛苦年幾七旬

唐氏 生員張希增妻十九而寡郤脂粉躬紡績屢經歉歲攜孤流移年六十餘克完全節

胡氏 李揚妻揚死氏僅二十歲華年守志迄于蓋棺允推冰雪

李氏 廩生崔元吉妻吉亡李年二十四飲冰茹蘖矢志靡他五十餘歲而終

蔡氏 吳廷順妾年二十順亡越月生遺腹一女伯氏欲嫁之蔡以產業悉給諸伯獨撫孤女紡績謀生年六十八沉病一年堅謝醫藥而卒

鄧氏 拔貢王祚昌妻祚亡鄧年二十五撫姪廷祿繼後未幾亦亡與祿妻李氏有二弱孫苦志同節

劉氏 胡時茂妻夫亾氏少舅姑欲嫁之氏以養親
自矢繼子為嗣孝慈兼盡年七十歲

王氏 庠生劉化中妻已卯之變姑被傷舅與夫皆
及難遺氏一人及襁褓之叔氏乳哺之青年矢志

迨于華髮冰蘖不渝

孟氏 太學生程鵬遠妻遠卒氏少斷髮明心孝事
舅姑恩撫子女始終無間

王氏 鉅鹿訓導陳南星繼室戊寅兵變星歿于任
氏年二十五攜二弱子扶襯歸里毀顏勵志辛苦

備嘗課子成名壽幾七十

劉氏 楊某妻

朱氏 趙西妻

王氏 崔秉重妻

韓氏 馬鍾秀妻

宗氏 生員劉元輔妻

張氏 馬粹秀妻

張氏 李得洪妻

楊氏 歲貢吳正全繼妻

于氏 廩生賈成吾妻

劉氏 陳賡妻

已上十氏皆年少孀居教子入泮

馬氏 生員崔元禎妻

張氏 胡瑤妻

杜氏 吳士來妻

王氏 陳謨妻

李氏 胡宇陶妻

宗氏 庠生李蔭溥妻

楊氏 解挺妻

賈氏 魯生智妻

韓氏 賈延誼妻

董氏 李順芳妻

已上十氏俱年少孀居撫子成立

秦氏 李仲妻

鄭氏 胡士奇妻

已上二氏皆年少孀居

苦節無子

劉氏 廩生胡時禎妻

劉氏 廩生胡時化妻

張氏 胡宇清妻

張氏 郭秀士妻

已上四氏皆年少孀居苦節食貧

○已上慶雲縣人

楊氏 指揮倪旺妻年十九旺故守節無玷六十八

歲卒

劉氏 指揮楊潤妻二十而寡子檜方一歲事姑以

孝教子有方年六十四卒

佟氏 指揮紀銳妻年二十二銳故氏守節素服終

身

王氏 副千戶孫翔妻二十三而孀居無舅姑伯叔

教孤子以賢見稱

唐氏 千戶孫佑妻佑卒氏年三十悲痛不食月餘

而死

王氏 軍餘何昌妻年二十昌故有求配者氏引刀

破面年八十六卒

王氏 舍餘孫恕妻年十八恕故無子事姑克孝姑

死殯葬如禮年五十九卒

倪氏 舍餘謝芳妻芳故氏年二十四撫子事姑克盡慈孝年七十五卒

朱氏 舍餘馮綸妻年十九而寡撫幼子瀾成立娶康氏年二十三而瀾又卒婦姑凜節各年八十餘歲而終

章氏 舍餘李天秩妻秩故氏年二十七父母欲奪之卽斷髮齋素孝養舅姑姑死痛悼成疾不數月死

○已上天津衛人

張氏 衛卒白啓妻年二十八喪夫守節孀居四十六年無物議

趙氏 衛卒陳通妻年二十六喪夫守節獨居三十三年人無間言

陳氏 許俊妻年二十四夫死守節至八十二歲終俊子瑄故妻王氏守節七十四歲孫許學詩貧而能養士類重之

胡氏 蘇昇妻年二十九歲守節終身子女俱無人

無間言

周氏 衛舍餘周恕之女適府庠生李景隆爲妻景隆病故周年一十九歲堅守節操孝奉舅姑一子希顏甫三歲撫養教訓爲府庠生氏以壽終

袁氏 指揮同知王燧妻燧故氏守節撫遺孤舜卿年十六歲娶劉氏彌月而舜卿亦卒袁子然無倚劉自誓守節躬勤紡績善事孀姑經四十餘年終始不渝姑婦同德節孝雙全輿論咸服

黃氏 衛舍餘雷尚質妻年十七歸於雷十年尚質死氏子女無出矢志從夫繼以姑老存活績紡以養米操三十餘年撫按題請建坊

紀氏 知州提兆吉妻秉性貞潔動必循禮壬午城陷恐身被辱預投井死河間道何公嘉其節烈申請旌表以國變未獲行

董氏 衛軍餘樊良妻也良故董年二十五止一子哀毀過禮以死自誓至六十三歲以壽終

李氏 衛舉人朱偉妻偉早故李年二十九守節四十餘年卒子尚質登乙未進士

朱氏 生員李重華妻守節艱苦曾經旌表

溫氏 生員孫自強妻男孫永年亦娶於溫並少寡
守節不渝被旌

董氏 衛都督董公之女許聘於都憲寇莊愍公孫
璨璨故董欲歸養公姑父母不從董遂絕飲食懣
懣而卒寇禮迎之而合葬焉

金氏 樊資妻資早卒金氏獨守一子方五歲克稱
完節

金氏 蔣清妻適清方兩月清故氏年十九安貧守
節始終不渝六十七歲人無間言

楊氏 張鉞妻鉞故楊年二十二撫育幼子孝養孀
姑紡績度日守節四十餘年以病卒

樊氏 生員許雲程妻通政使刑部左侍郎樊深女
孫也雲程早亾氏甫二十齡哀哭不欲生時雲程
父七十餘龍鍾幾就木而氏已有身諸姻戚力解
之氏勉從彌月舉子命名繼祖無何舅翁死治喪
成禮迨教子向學名列青衿樊曰我所以隱忍二
十年不卽死成立汝也汝業儒紳吾將從汝父于

地下完吾初誓矣繼祖號泣孺戀竟不聽絕飲食積十餘日端坐而逝

榮氏 忠順軍白棟妻及笄歸棟夫家素貧氏以紡績佐之孀姑失明敬事不缺無何棟故氏年二十七誓死靡他爲未亾人五十年屢被旌勸

○已上河間衛人

潘陽大同二衛俱併入

國朝

邊氏 李生輝妻年二十夫卒泣絕飲食親慰之乃止冰霜自勵教子李昆食餼于庠昆亾後撫孫李維鑿食餼壽八十餘歲

左氏 武生員韓文光妻也壬午遇變氏年二十五歲見夫被傷卽墜井幾危幸救獲生矢志栢舟歷盡艱苦念不少移撫育幼子三人作肅作義明哲長作肅早登鷹揚季明哲少年入泮官皆慈訓之力

李氏郝氏吳氏 李氏梁孟冬妻冬卒撫孤梁臣李年八十四歲郝氏卽梁臣妻臣卒撫孤生員梁朝相郝守節至八十一歲吳氏卽梁朝相妻相卒撫

孤生員梁禹甸守節而終里人舉爲一門三節

蔡氏 生員魏志高妻高卒撫孤苦守紡績度生教

子魏琰得以遊泮年踰八十始終如一

崔氏 張崇孝妻孝早逝撫孤守節四十六年事舅

姑躬紡績克盡婦道教子孫成立

及氏 生員白調鼎妻鼎殉城難氏年二十有三撫

幼子瑤孀居貞潔自持兼失業無依紡績延師訓

子遊泮三十年如一日

郝氏 楊梯妻梯早故氏守節終身善事公姑曲盡

其孝姑病借壽祈禱無所不至年踰八旬積財好

施全活甚多

牛氏 孟三聘妻聘亾氏年二十餘歲堅志守節善

事公姑苦撫幼子四十載如一日歷兵荒而莫變

鄉評推重

胡氏 許光裕妻二十九歲孀居屢經兵燹家貧苦

節遺子高捷高第高薦皆撫養成立

李氏 陳國恩妻二十四歲孀居矢志堅苦撫遺孤

陳維新六歲成立歷四十餘載如一日

李氏 田國翰妻翰早逝二十二歲撫六歲孤田耀
先矢志守節延師教養耀先入泮

孔氏 劉智忠妻忠早逝氏兒女俱無矢志堅守三
十年艱苦異常

苑氏 張景陽妻陽早亡氏善事舅姑撫八歲幼子
文學教訓有方自二十四歲矢志堅守紡績自勵
壽延八旬有四

○已上河間縣人

張氏王氏張氏 俱故拔貢生祈爾謨側室也謨嫡

妻劉氏無子因聘三氏未數載謨亡時張氏二十
五歲生二女王氏二十一歲生子之浦張氏十九
歲生子之灝嫡慮其年幼子孤勸令改適三氏矢
志不從踰年劉氏卒三氏相依斷葷茹素益勵水
操崇禎十三年奇荒三氏糟糠自咽日撫孤兒不
缺衣食十五年兵變破城家計一空三氏移居鄉
野內勤紡績教二女以針繡外延師友課二子以
誦讀二女及笄俱適士人二子同時入泮保孤全
節一門三貞

孫氏 十七歲適吳進義爲妻八載夫亾家貧其兒
憐而嫁之婦曰從一而終婦人大義况有老親幼
子信若汝言是不孝不義不慈也因剪髮見志及
庚辰辛巳荒疫翁姑身無完衣恒數日不火婦周
旋其間曲盡孝道後翁姑相繼而病氏奉湯藥兩
載不怠子懋林身列黌序

沈氏 生員劉夢獅妻也事翁姑菽水盡道閭里儉
之壬午城陷氏翁劉允中殉城難家破囊空拆棟
木爲棺綴舊衣以殮無不如禮未逾月夫卒氏甫

二十五歲長子瓊五歲次子瑜在妊灾禍重叠氏
心如鐵午夜紡績教子督課甚嚴二子相繼入泮
祈氏 故生員周之适妻也氏夫崇禎壬午歿難氏
方二十四歲歷患難撫孤子堅守一醮之盟卒以
教子成立

張氏 故民葛文顯妻也十六歲歸葛孝事翁姑夙
聞閭里二十七歲而寡守節課子三十年不渝

○已上阜城縣人

郭氏 劉上才妻也適才不數年而才死其母以氏

幼欲別贅氏不從未幾母歿晝夜呼號相繼而亾
章氏 閔灝妻適閔當姑喪之後氏爲灝勤撫諸弟
生子弘煜甫成室而灝卒氏日夕哀號欲以身殉
戊寅之變子婦殉節遺六歲孫耿及三歲女孫恩
勤撫摩勉孫向學得補邑庠擇儒家子爲女孫壻
嫁娶俱畢年幾八旬曾孫滿膝前閔氏不絕章之
力也

盧氏 劉景芳妻二十六歲芳歿遺子劉哥相繼亦
歿有姑失明家貧如洗典屋而居孝事惟勤誓守

不渝

紀氏 高鴻焜妻也家本素封因亂失業事翁姑以
孝姑病鬻簪珥以奉湯藥姑歿翁復老病飲食類
數氏親任烹調絕無怠心氏病聞翁病將危仍令
人扶禱神前願以身代未幾翁逝氏亦尋卒

閔氏 隨夫曹可久判眉州可久以病歿氏奉孀姑
攜孤子數千里外扶柩歸葬而勤儉孝姑尤人所
難氏孤子捷長爲娶兄女爲妻戊寅之難捷又歿
婦時年十七歲能承姑志守節不渝

許氏 宗登妻登早歿氏孝事寡姑姑病剪髮贖藥以醫之值兵變偕姑出逃姑慮累氏令氏先逃氏不忍尋兵至見之憐其孝不忍加害而去

李氏 左名俊祖母自二十七歲夫卒子幼矢志靡他子長爲娶梁氏子又早亾梁亦能承姑志養子名俊成立入邑庠李享年八十餘

范氏 章雲程妻隨夫翁移居天津一時並歿五口氏甫二十六歲具五棺移歸哀毀成禮誓佛持齋撫弱姪及襁褓子俱成家

楊氏 李雯妻十九而寡栢舟自矢事翁姑備極色養甥楊成季早孤氏恩養無異已子長成名豐序氏三十以疾終

○已上任丘縣人

張氏 生員陳諫妻諫卒氏二十四歲家貧寒上有垂白雙親下有冲齡三子氏冰霜自矢女工自給事舅姑養生送歿各成其禮撫三子補邑庠閨門嚴肅節義凜狀壽登七旬

王氏 廩生蘇麟妻二十三歲稱未亾人食貧教子

長子瑄髫年食餼次玻拔儲國學

林氏 孟光明妻二十九歲光明沒氏哀慟欲以身殉諸戚氏指二孤泣勸曰若捐軀將焉寘此氏感悟始理家務甲申春又值嚴翁刑部侍郎兆祥暨伯氏吏部觀政進士章明俱殉國難氏以隻身支持其間實爲狼狽幸今二孤成立長培滋次全滋俱補邑庠

時氏 廩生郭燦妻燦卒氏年二十三三日不食欲自盡姑抱孤哭勸曰吾二人老不足顧懷中呱呱而泣者忍置之乎氏感姑說方節哀飲食朝夕勤女工俟孤培稍長卽督以經史雖祈寒盛暑無少懈幸今子成立名著士林皆氏力也康熙六年知縣王以公舉其實上請查核詳明給扁旌表

馮氏 二十二歲適滑良夫早亾遺孤嶽甫三歲家赤貧翁七十八歲姑六十五歲連年荒歉糠覈不足僅依女工所易以供二親侍養八年翁姑相繼卽世氏攜幼男日夜悲號典奩產營窳窳事知縣申請旌獎

余氏 生員李佐邦妻佐邦歿氏年甫十有七迨遺腹子士震生稍長督以經生業士震旣入泮不幸旋故媳高氏亦效姑節撫孤大經長齋自守始終如一

郭氏 張一全妻全歿氏年二十四誓不再醮善事翁姑翁至年九十九姑八十七每對人曰吾二人天年無恙者賴有賢媳也

高氏 生員時澤妻澤歿高年三十撫孤樸至弱冠又早世遺媳張氏年二十二暨孤炤未半歲併叔姒生員澆妻張亦少寡三娶婦共守一呱呱誓死靡他迨春秋俱高毫無非議

○已上交河縣人

馬氏 歲貢張本端妻本端故氏年二十歲子國琪甫三歲撫養成立遊庠苦節五十餘年

黃氏 儒士姚命虞妻于歸五月命虞卽病故子女俱無誓死守節

朱氏 儒士韓再捷妻年二十四歲再捷故氏孝事公姑撫育孤幼節孝兼全

張氏 鄉民周良臣妻良臣死氏二十歲子女無出
貧窮至極日食野菜守節七旬

李氏 張文正妻早寡守節享年八十歲撫養二子
成立次子光有尤孝弟且倜儻有爲咸謂得之母
氏慈訓也

馮氏 生員王霖蒼妻年二十一蒼故奉事翁姑以
孝聞繼姑病夜祝北斗願以身代孤方五歲撫訓
成立爲邑諸生苦節五十六年

陳氏 侯國聘妻年二十三歲聘故子重爵甫六歲
撫入邑庠屢遭饑饉竭力以事翁姑歷節五十餘
年

尤氏 孫保邦妻年二十五夫故遺子甫五歲時值
兵變負孀姑攜幼子潛避海濱歷盡艱苦兵退旋
家勤績紡茹糟糠歷節四十餘年

谷氏 生員董三槐妻夫故氏年二十七歲子女兼
乏煢煢無依人謂窮獨何守氏堅貞自矢苦志五
十餘年節操不渝

○已上青縣人

姚氏 廩生鉉同妻夫早逝氏茹藥飲水克勤克儉
備歷兵荒撫幼子儀登黌食餼守節五十餘載歿
年八十四歲

李氏 生員沙毓珍妻夫早卒姑衰老氏有三月
孕家甚貧氏辟纊織蓆孝養翁姑幸生一男沙正
名撫之成立奉

旨旌表

李氏 庠生陳繩祖妻夫早逝舅年衰老事之盡孝
雖歷兵荒綜理家事不至中墜後舅卒殮葬悉循

典禮苦節四十餘年教子遊庠享年七十有二
趙氏 太學生劉有餘妻有餘故氏年二十餘歲毅
然守志歷三十年而艱苦備嘗有餘無子篤愛其
壻李枝長以戊戌成進士

夏氏 太學生姚鵠妻氏二十七歲孀居治家勤儉
庭訓慈嚴每督耕備穀遇荒歲克保無虞善守祖
產以貽子孫撫育六男二女嫡孫姚瑾姚琦俱充
庠生

馬氏 尹體正妻氏自十九歲孀居無產可恃無伯

叔兄弟可倚孝養翁姑誓不他適翁又早故事姑
張氏晨昏不倦姑享壽八十九歲終氏年過六旬
范氏一張元調妻夫逝氏甫二十歲孝事孀姑經歷
險阻有子五歲育養幾成不幸又亾遺孫三齡家
業愈蹙氏志愈堅勉戒兒婦邢氏共守苦節撫孫
成人見任繁峙縣北蘆口大使氏年八十餘歲

張氏 張聯桂妻翁姑早故惟有祖姑在堂聯桂娶
氏週年卽逝氏年時十八歲有兩月遺腹幼守孀
節備歷艱辛幸得一子名天緒氏撫育多方且于

祖姑養老送終盡孝盡禮家產不致中隳洵爲孀
節中之傑出者

邢氏 生員安奎璧妻氏年二十歲夫亾守節叠遭
兵燹屢遇飢饉撫育孤子歷四十餘年

鄒氏 太學生李瑛妻因缺嗣夫婦虔奉白衣大士
果生三子而長男奎珣失明次男奎璩季男奎瑄
方在襁褓而夫逝氏撫孤兒叠遇兵荒饑饉早辦
公賦延師訓子俱能成立遊庠

○已上靜海縣人

張氏 廩生王屏妻屏故氏年二十五遺子年甫周氏抱泣柩前數日不食欲自縊以老姑在堂不忍棄乃竣夫喪事紡績自力奉姑甘旨三十餘年姑歿殯葬如禮氏至六十一歲卒

趙氏 蔡淳妻舉人恒馥之母也淳故氏年二十四馥方五歲氏守節保孤績紡教讀今馥登丁酉賢書蘭孫林立皆苦節之報也

丁氏 舉人劉接武繼室年二十歲夫故氏慟不欲生前室有二子大昕大晟俱幼某乘其孤寡橫逆

相加氏率二子鳴官泣陳巔末豪強理屈伏法後二子俱入庠長孫澤厚登乙亥進士六十年苦節

劉氏 劉昱妻也氏喜讀書見古人節烈事輒玩賞竟日十五歲于歸劉門昱早卒氏時方十七家人勸之改嫁氏以死自誓且曰未亾人夫殂又乏嗣卽應相從地下所以不死者以有雙親也我不代養老將安依由是鉛華盡洗井日躬操歡事翁姑朝夕問視四十年如一日

李氏 生員韓弘濟繼室濟故氏二十五歲有勸其

改適者氏剪髮破面以明其志孀居三十五載人無間言

陳氏 徐維福妻也夫病將終請於翁姑過兄之子爲嗣公姑佯應之及維福死繼嗣之事不成繼母唆其父偪嫁之氏從容淡漠不異平日虞哭之夜自縊於柩側越數日入殮容貌如生

竇氏 農夫范海之妻海與其母蘇氏往田間氏鍵戶業女工有方應奎者素與海同編梳粧爲業來叩海門借鐵絲氏誤以爲海啓戶奎見氏美色輒強偪爲姦氏執餅杖擊之奎奔杖強偪不已氏復揮菜刀砍奎削其頭顱二寸許奎怒以磚擊其首腦裂而死奎網得正法

王氏 許宗禮妻夫故氏二十六矢志守貞孝養翁姑撫孤子貴紡織度日孀居六十四年壽九十歲無病卒

張氏 許明貴妻卽王氏兒婦也貴又早卒氏二十四歲同姑守節曲盡孝養壽八十六歲終

陳氏 于弘開妻開故氏年二十子女俱無因二親

東在堂誓不改嫁過繼弟弘濟子承嗣笑笑一身養翁姑育繼子惟績紡是賴節孝兼全

趙氏 郭五常妻常早亾氏二十二歲無子女無產業併無親屬氏安貧守節織紡度日嘗不舉火有哀其窮而周之者氏不苟受七十餘歲卒無所歸鄉鄰葬之

○巴上吳橋縣人

王氏 太學生王俊女交河進士孟公章明妻也明甲申闖寇陷京師孟公父少司寇死忠孟公曰吾不忍大人獨死當從死氏曰君死妾亦死遂自縊世祖定鼎贈孺人立祠祀焉

陳氏 李文秀妻順治戊子土寇竊發氏被賊執欲汚之罵不絕口賊怒鞭其背扶之上馬不從以頭觸地者數四罵聲愈厲賊刃之

施氏 馬中驪妻姑劉氏歿遺子甫四歲氏撫之若子夫前妻侯氏遺子方二歲氏撫之無異已出氏連舉五子夫亾子幼氏啖糠藜教讀書卒皆成名苦節三十餘年壽六十九歲

○已上東光縣人

韓氏 夏鳳洲妻十九歲而寡子女俱無堅持節操

終時七十二歲

馬氏 夏鳳翥妻夫亾年二十二遺女甫週歲稍長

亦逝氏苦守堅貞貧不易志且家法最嚴三尺之

童不令入室享年七十五歲

崔氏 儒士孫維泰妻生員遵之母夫故遺孤四歲

家貧歲歉艱苦萬狀撫子成立年幾七十而卒

翟氏 秘允信妻生員濬之母夫故氏年二十餘歲

家甚貧氏守志不渝孝事翁姑克誠克敬教子成

立於翁姑之歿復盡禮襄事孀居四十餘年志節

最為艱苦

王氏 劉清漣妻也性至孝既歸劉躬自紡績以佐

甘旨恪事舅姑者三十餘年終始惟謹姑安氏病

危齋素籲天願以身代時值兵變家人奔匿恐後

氏獨泫然曰姑在床褥移徙不能刻需奉侍寧冒

白刃死奈何為自全計而貽終天恨乎兵至欲加

害具訴以實環顧嗟異相率而去姑歿哀毀悲慟

涕淚枯竭遂至失明親黨伏其誠孝督教二子長子楨入泮次子梅成進士多得於慈訓云

蔡氏 生員王汝礪妻儒家女也父母教以禮翁姑稱其孝夫婦好合琴瑟雍如也舉二男一女家業頗饒汝礪罹不起疾與氏永訣氏遽許以死從未幾夫故氏一痛仆地尋投繯服鳩皆獲救遂閉目絕食子女貲產悉置不顧越旬日氣絕而死年三十有二

喬氏 儒士王經妻夫亾年十九遺子未及週歲翁姑憐其年幼欲令他適氏以死自誓撫孤維鼎底於成立食餼邑庠年六十一歲疾篤泣謂姑曰婦苦守四十餘年已無遺慮第姑已八旬未能奉事餘年此吾之大憾言畢而卒

張氏 蘓允恭妻二十八歲夫亾食貧守志紡績奉姑撫孤成立備嘗艱辛壽七十歲

王氏 武生蘓蒸黎妻順治七年土寇犯境氏爲所獲脅之以威氏厲聲曰吾頭可斷身不可污罵不絕口賊怒支解之

劉氏 生員秘丕錄妻年十九夫歿以首觸壁幾死者數卒乃曰吾誤矣吾夫素孝友不可無後遂謀於姑及叔丕笈求族人子以立嗣擇期葬夫葬畢使子就傅居數月復語姑曰此子可以繼後吾事畢矣將隨吾夫於地下遂不食而卒

○已上故城縣人

史氏 贈河南右布政庠生王三宅妻年十九而寡子公弼始週歲矢志撫孤成萬曆丙辰進士奉旨建坊旌表累封太夫人年八十三歲而終

趙氏 生員齊之宇妻三十而寡家無寸土矢志守節三十五年凍餒教子象晉冲齡入泮

吳氏 楊惟藻妻年十九夫故子女俱無矢志守節茹素食貧年七十而終

王氏 王家賓妻三十而寡苦志守節撫遺腹子起潛成庠生年七十二歲堅貞不變

呂氏 鄉賢呂詠女庠生劉彥妻夫亾時年二十三苦節自矢撫遺腹子雯亮成庠生家貧食素四十八年如一日壽七十一

李氏 生員劉自成妻成故舅在堂七十一歲氏奉
之終其喪葬經大兵大役大荒大厲惟歸命於天
患難死生皆置度外撫幼子重慶九齡以紡績課
讀閱十二年獲入泮

季氏 儒士鄭欽成妻十六結褵十七夫故矢節三
十餘年善事舅姑孝義屢著撫恤夫妹學院以粟
帛獎勵

王氏 生員李廷楨妻十八歲夫故遺女方在襁褓
矢節事翁姑撫弱息六十餘年

劉氏 儒士吳文煥妻生員道亨母年二十二夫故
守節孝事舅姑勤紡績以供甘旨訓子成立

房氏 生員王璠妻璠死氏二十歲無子貧而守節
終身不渝

徐氏 生員王填妻填故年方三十時姑柩尚停在
室盡典簪珥竭力殯葬齋素機杼以訓孤子撫庶
子女勝于所生四十年定志不亂而逝

劉氏 生員王都妻夫故二十餘歲痛毀不欲生時
公姑尚存飲水茹荼上事垂白下撫孫子四十餘

年如一日

王氏 儒士張生瑞妻生員迪吉母年二十二夫故

躬織紝操井日孝事舅姑撫成孤子費序有聲堅

節五十餘年

吳氏 生員孫宅俊妻俊亾氏年二十四姑耄克孝

撫幼克嚴礪志和熊二子成立

呂氏

生員劉慶貽妻編修雯曠母十六歲歸劉門

相夫讀書揚名庠序二十歲夫故誓死守節奉事

孀姑克盡婦道教子成名守節四十餘年以子貴

贈孺人

王氏

庠生李庚之妻崇禎十一年亂賊肆掠氏時

十九歲避難楊家村賊入室欲劫之氏向賊大罵

被殺賊去父母欲易棺改葬及開視異香襲人顏

色如生

此係明列女州志誤入國朝

○已上滄州人

傅氏

生員白養淳妻早寡撫四子一女艱苦備嘗

遇兵變四子皆歿終日長號幾不自存長子作睿

妻劉氏年甫二十指未週歲兒慰之曰白氏有此

尚可爲也吾必不負姑於是苦節自任及圈佔後
地土皆無晝夜紡績積勞嘔血子學曾中丙午科
鄉試學庸魯論諸書皆其口授一門雙節闔邑重
之

湯氏 明知縣穆茂春繼室也年十四于歸未半載
夫以鄉舉謁選縣令因前妻子女當婚嫁之期留
湯經理相別五載嚴課諸子蜚聲藝苑迨夫感痰
疾致政歸手足不仁卧床兩載氏侍湯藥無懈至
夫亾年僅二十二歲亦無生育勵志最堅兼之四
子俱死且無遺產窮苦無依五十餘年

黃氏 劉中葉妻年二十守節無子女孝老姑終身
四十餘年卒

黃氏 武生崔文俊妻年十八卽寡子僅一週矢節
二十餘年遇變被執不從死之

穆氏 邑庠生白德崇妻爲兵所執義不受辱自投
井死

馬氏 邑庠生劉名卿妻被執不從殺之

黃氏 崔岳妻遇害與馬同一時婦女捐軀者甚衆

未能悉記

穆氏 湯橋妻年二旬餘守節孝姑艱苦備嘗及姑歿哭之喪明教子成立

劉氏 趙恭妻于歸後孝事翁姑迨恭亾年二十四歲子瑞尚幼勵志守節歷兵變災荒無改壽八十二歲清操五十八年

葉氏 生員咎光美妻年十五于歸時夫家固富饒也甫三載遭變中落夫且死子未週糊口無資父母勸之改適堅不從米藥自勵稱苦節云

巳上南皮縣人

王氏 馬甫振妻適甫年餘夫亾一姑一媳相倚爲命姑憫其幼泣令他適氏誓不從奉事終身

郝氏 生員翟欽隣妻夫故氏年二十四歲家貧無子事姑盡孝人勸其改適氏堅不從繼子履禧承奉夫祀獲入泮

鄭氏 生員張其光妻光故氏年二十八歲兩子俱幼氏艱苦萬狀事姑盡孝持家教子先後入庠

王氏 李計元妻元早亾氏十七歲生遺腹子旣娶

而天媳改適氏撫幼孫方長復罹兵害衣食不給
爲志彌堅老而無倚紡績自鬻不能步履每匍匐
入市見者爲之感泣壽八十五歲

吳氏 庠生劉執中妾中無子妻早逝中亦繼逝止
遺吳一人時年二十二家赤貧有鰥翁年七十七
歲命吳改適吳痛翁無倚涕泗不從翁無齒多病
吳咬而哺之親侍起居手除污穢翁八十九歲始
歿吳茹荼飲水六十四歲終節

李氏 庠生翟可化繼妻年二十四歸化甫三年而
化亡夫黨閔不可居遂攜子女及前二子稷夔依
母家爲活父母欲奪其志李堅不從紡績教子入
泮壽九十終

王氏 路由平妻歲貢律之母由平死王年三十歲
律七歲諸舅欲奪其志王縊幾死人無復敢言者
壽八十九歲終

何氏 武永康繼妻年三十歲康亡舅老而鰥前子
開基已子肇基振基皆幼何撫三子如一教養成
立事舅曲盡孝道壽七十七歲終而媳張氏亦稱

節焉

宗氏 庠生楊于庭妻庭亡宗年二十二長子芳烈
五歲次子續烈二歲而姑已稱老宗侍奉比子職
家素貧儉積漸豐已邛之變收養難婦王氏等十
餘人裹糧送之歸里會大飢宗令僕人田進祿煮
粥於市食往來飢人頗多存活壽六十九歲無疾
終芳烈縣丞續烈庠生

張氏 武肇基繼妻基亡張二十二歲誓不更改數
月生遺腹子成名基先有子元輔張愛養之無異

已出後元輔入文庠成名入武庠

馬氏 宋之范妻己卯兵變之范與父同遇害遺二
子長二歲次彌月馬年二十四歲燈績手縫奉孀
姑惟謹苦節三十餘年二子成立

孟氏 庠生宋旦妻旦亡遺一子二歲孟年二十二
夫族慫恿他適孟堅勿聽紡績自給三十年終始
如一

李氏 朱燦南妻南亡李年二十三歲紡績食貧矢
死靡他奉舅姑鞠孤子執婦事三十年不變

杜氏 崔慶龍繼妻年十五歸龍龍有異母弟及長男皆授室姑媳娣姒比肩而上復有姑杜尊卑如法中外無間言會邑受兵與龍同遇害而杜甦時年二十八歲矢志不嫁奉姑以老龍家故素封以仲氏任俠萬畝立盡杜既無怨且以廣其兒輩曰天也汝叔何尤子晉成諸生能詩

李氏 舉人田師聖妻師聖早卒祖母楊母劉俱在幼子旭甫離襁褓李年二十七栢舟自誓仰事俯畜姑病瀕危李告天請代而姑病輒已人以爲孝感云旭成諸生

李氏 庠生劉沛然妻已卯兵變沛然闔門罹害獨李氏及姑僅存李年二十二事姑盡孝供夫木主室中朝夕拜謁三十餘年無一日闕者

霍氏 庠生劉濟之妻已卯兵變濟之死霍年二十七子女俱無屏鉛華茹蔬素奉濟之木主每食必獻不獻不敢嘗

孫氏 許養元妻順治六年賊變氏被掠擁至金鐘寺迫之淫氏罵求死賊呼群強持之罵益厲賊怒

抽刀洞其腹脇氣絕罵止

李氏 廩生劉芳標妻二十七歲稱寡無子側室王氏生子仁淳方三歲後五年王死李撫仁淳如已生後入庠李六十歲

陳氏 廩生王文桂妻文桂亾陳年二十八歲家貧無子矢志不移苦守三十五年而歿

德氏 張廷箴妻德年二十八歲亾子參方三歲母念德年少諷令嫁德泣不從故善治家更二十年貲頗豐張先有田產委人者盡恢復之五十二歲卒參入庠

趙氏 李守儒妻儒故趙年二十五事姑盡孝教三幼子兩列士林曰道行道泰壽六十七歲

劉氏 張允孚妻允孚貧受徒於外尋死遺一子蘭生在襁褓母又老病劉年二十七歲侍姑抱子多歷艱難旣念窮鄉無教子地還依夫黨分伯氏燈課讀蘭生後廩於庠辛巳大饑人相食氏典衣易脫粟啖姑手採菜穗雜糠粃同其子食之及姑歿泣曰曩吾所以不死者以老姑稚子在爾今姑化

子立吾更何求哀毀成疾終

于氏 張鳴鳴妻夫亾氏二十一上有孀姑遺孤景從尚幼于恐姑失望乃對天自誓奉姑終身家素貧紡績備養三十年甘旨無缺

許氏 趙明標妻標以兵殞氏年二十四子址在襁褓翁姑皆老家奇窮氏孝親撫孤甘忍飢寒翁歿氏竭力營葬晝夜侍姑食寢十餘年以紡績奉甘旨乃課子成名入文庠

張氏 劉守正妻年二十二夫亾遺孤五歲值年歉寇亂家赤貧姑謂氏曰幼子有我在汝他適無慮也氏誓不從偶有盜入室張拒之義不受辱被置烈焰中死良久復甦養姑葬姑事事如禮

武氏 韓甲第妻二十九歲而寡赤貧無倚歸母家自存迄無變志

張氏 李見田妻歸李三載夫亾氏年十八歲子女俱無矢死終節其孝事舅姑和睦親族尤爲鄉里所重

○已上鹽山縣人

林氏 吳應賓妻年二十七應賓故苦守孤女出嫁

始終完節六十九歲終

孫氏 生員王思哲妻年二十八哲故居鄉兩遭兵

火矢志不替全節而終

朱氏 廩生馮

馮氏 生員張

李氏 朱廷

陳氏 張朝

李氏 趙應

靳氏 秦守

上六氏皆少年孀居教子成立

李氏 生員汪

柳氏 張棟

韓氏 生員陳

董氏 生員沈

劉氏 辛念

何氏 生員倪

楊氏 生員張

周氏 生員張

于氏 生員李

劉氏 詹金

羅氏 生員于

宋氏 韓再

上十二氏皆年少孀居撫孤食貧克全苦節

已上皆天津衛人

陳氏 庠生李道基妾也基妻于氏無子娶陳為妾

後亦無子基年踰四旬復娶妾杜氏李氏各生一

子基嬰痰火疾成廢人家事亦日落于氏乃聽讒

言諷三氏出嫁三氏以死自誓有奸媒謀於強暴

欲強娶之于是使人橫曳入輿陳大罵破面撞出

基姊聞之逐去強暴三氏得免事定三氏益食貧
自勵壬午城破基被殺杜李被掠獨陳氏投井中
經七日夜兵去其姪廩生生錄覓得之急救方甦
時社李所生二子以黃口尚存陳撫之如親生紡
績針黹以佐日用稍長爲覓名師束修之資皆取
給女工長子喬齡入文庠次子栢齡入武庠俱第
一族人敬其節服其義歲時稱壽咸羅拜焉郡給
諫孫際昌爲傳以記之

○已上河間衛人

按瀛海係燕趙之域慷慨性成而詩書教澤漢興
以來沐浴最久其間婦人女子亦多堅貞激烈異
于他區當夫兵燹倉皇草茅寂寞名隨身殞者已
不知其凡幾彼州縣衛志寧僅採十遺五已哉迨
入之郡乘則又披沙取金僅拔其尤者矣嗚呼身
甘荼蓼志凜松筠卒之衰草斷烟終成泯沒雖臨
書惋惜究未免限于卷冊不能槩存幸閱者勿謂
邦之淑媛外此無復有人也

河間府志卷之十九

武備志

武職

兵制

兵變

志曰瀛海故用武地漢末已滋雲擾自隋唐迄宋蘭
錡林列刁斗雷喧矣澄平之後明初定衛所河間
置三衛遊擊都指揮統操事各有分理而天津左
右營衛及葛沽兵制劃然有條副總兵轄之未嘗
設重帥於河間也今則建牙開府立營分汛馬步
兼資戰守俱備居然巨鎮焉肩其任者不但消菑
屋探丸而起敝興衰鳴弓擐甲以壯畿輔干城之

勢端必賴之語云虎豹在山蒺藜不採其謂茲與

武職

提督

國朝

劉良佐

滿洲籍康熙四年自大名府移駐河間府

李胡拜

滿洲籍康熙五年四月到任七年七月奉裁

總鎮

駐河間府

國朝

崔世祿

滿洲籍康熙七年十月由真定府移駐河間府八年七月仍調回真定

總鎮

駐天津衛

明

王洪

榆林人

巢丕昌

江南人

馬爌

山西人

劉復戎

關東人

曹友義

江南人

國朝

婁光先

天津衛人

蘇屏翰

雄縣人

梁武

關東人

管效忠

滿洲人

甘應祥

關東人不尅兵餉不受官餽隆士重民德難泯沒

李克德 滿洲人

佟聖輔 滿洲人

徐智都 滿洲人

田進學 陝西人

趙良棟 陝西人

陳奇 號瑞吾陝西定邊人將材

副將 駐河間府

佟透 滿洲人

孔弘憲 新城人武進士以弓馬熟嫻由都司優陞

李英 號福建人

遊擊

國朝

陳王勳 山西人順治十年自遵化移駐

石中玉 河南人十年任

尤順行 河南人十二年任康熙四年移駐大名府

史景洲 京衛武進十四年自大名移駐

黃世魁 湖廣人康熙八年任

駐河間府左營 今裁

彭繼勳 滿洲人順治十年自遵化移駐

金應鰲 昌平州人十一年任

沈時 江南人武進士十六年任康熙四年移駐大名府

陳自新 順天人四年自大名移駐

王有道 直隸人五年任

河間府右營 今裁

劉登瀛 遼東人

已上駐河間府中營 順治十八年因總督移駐添設

康熙五年裁

周天命 天津衛人

緱永慶 遼東人

葉勳 臨清州人

劉承義 遼東人

王純政 遼東人

尤起龍 江南人 武進士

張應龍 福建人 將材

已上駐天津衛左營

方慶

張德遠

范可法

蔡郁

周濟

任任重

已上駐天津衛右營 分汎 磚河

陳捷 浙江人

周福 滿洲人

孫廷相 江寧人

張韜 順德府人

劉正朝 遼東人

滿其性 宣府人

尤順行 河南人

張進 陝西人

魏國珍 四川人

已上天津衛城守營

守備

國朝

駱長升 遵化人 順治十年移駐

王應利 河間人 十一年任

姜應鳳

遵化人 十年任

王運昌

鑲白旗人 十八年任
康熙四年移駐大名

劉可際

江南人 武進士 四年自大名移駐

王國安

北直人 十一年任

已上駐河間府左營

唐文映

廣西人 順治十年移駐

張瑞徵

南宮人 武進士 十一年任

沈國柱

順天人 十年任

孟宗聖

浙江人 十六年任 康熙四年移駐大名府

魏坦

順天人 四年自大名移駐

王祺

山東人 六年任

張應朝

順天人 九年任

已上駐河間府右營

曹允斌

京衛人 武進士

已上駐河間府中營

順治十八年添設 康熙三年裁

章羽泰

紹興人 順治二年任

崔顯

京衛人 順治十一年任

尉之琪

京衛人 順治十六年任

韓才

天津衛人 康熙二年任

錢大忠

京衛人 二年任

南容

陝西安邊人 六年任

吳之駿

代州振武衛人 十七年任

已上河間城守營

舊晉二衛兵五百名 國朝裁兵三百名 管左右三司

林有材

遼東人

栢永姓

遼東人

徐才

河南人

周琬

河南人

王廷臣

山西人

張緒祖

遼東人

已上駐天津衛右營

滄州城守

烏巴害

順治五年任

堪

八年任

敖木兔

十三年任

羅必達

十四年任

刀素禮巴兔魯

十六年任

葛志

康熙四年任

盧

太

十一年任

兵制

漢

高祖命天下選能引關蹶張材力武猛者以為輕車

騎士材官樓船常以秋後講肄課試而渤海肄樓

船河間肄車騎

唐

初制府兵六百三十餘處惟河北為多且勁而以渤

海等軍隸幽州又制宿衛法凡宿衛者番上兵部

以遠近給番渤海等軍在千五百里外為八番皆

以月上若簡留直宿者千五百為十番亦以

月上

其法每府有折衝領陳有事徵發則

其州及府參驗發

之至所期處將帥按罪其折衝軍還贈勳

教習不精者賞兵歸田畝

太宗常引諸衛將卒射於顯德殿親臨試中多者

賞以弓刀布帛將帥亦加上考由是人思自勵數

年之間悉為精銳

高宗以後天下久安府兵浸壞衛士稍稍亾匿耗散

至宿衛不能給張說乃請募士宿衛號曰彊騎天

寶以後彊騎又稍變廢士失拊循折衝諸府至無

兵可支遂停上下魚書而番士宿衛者人辱罵之

日曰侍官至衛佐悉以假人為重奴而六軍衛皆

市人富者販繒食梁肉壯者為角觝拔河之戲祿

山反皆不能授甲矣

宋

熙寧初詔以歲閱當閱於州者以指揮分番真定瀛

洛邢滄等處為三番

河北屯戍大名府夏竦奏鎮定二路當內外之衝萬

一有警各籍重兵控守要害迭為應援若合為一

則兵柄太重減之則不足以備敵又滄州久隸高陽關道路頗近瀕海斥鹵地形沮洳東北三百里野無民居非賊蹊徑萬一有警可決漳河東灌塘淀隔越賊兵未易奔衝不必別建一路惟北京爲河朔根本宜宿重兵控扼大河南北內則屏蔽王城外則聲援諸路請爲大名府澶懷衛濱棣德博州通利軍建爲北京路各置都總管一人鈐轄二人
都監四人平時祇以河北安撫使總制諸路有警卽北京署四路營都總管擇嘗任兩府重臣爲之議未決竦入爲樞密使賈昌朝判大名府復命規度昌朝請如竦議惟保州沿邊巡檢并雄霸滄州界河二司兵馬國初以來拓邊最號彊勁今未有所隸請立沿邊巡檢司定州路界河司隸高陽關路於是下詔分河北兵爲四路北京澶懷衛相博濱棣州通利保順軍合爲大名府路瀛莫雄霸貝冀滄州永靜乾寧保定信安軍合爲高陽關路鎮邢洛相趙磁州合爲真定府路保深祁州北平廣信安肅順安永寧州合爲定州路凡兵屯將領

悉如其議

元

至正九年立鎮撫司於直沽海津鎮

十三年命南北兵馬司各分官一員就領通州灤州
直沽等處巡捕官兵往來巡邏給分司印一同署
事半載一更

二十六年命知樞密院事買間以兵守直沽命河間
鹽運使拜住曹履昌撫諭沿海竈戶俾出丁夫從
買間征討

按瀛海爲從來爭鬪之地故上世則屬齊燕趙之
分疆中古則爲南北朝之界域近代則係遼金元
之邊圉兵屯將守制度迭更未可悉數茲特略採
大模以資披覽而已

河間府兵制

明

洪武元年定衛所官軍及將帥將兵之法其法自京師達於郡縣皆立衛所

永樂元年設立河間大同瀋陽三衛於河間府

河間衛原額指揮一十五員千戶三十五員百戶

四十一員衛鎮撫二員所鎮撫四員達官指揮

四員千戶六員百戶四員鎮撫四員

原額正軍三千三百

九十六丁守城正操二千一百八十九丁戶口優免供給人丁四百三十八丁巡鹽快手二十

丁達軍四百六十七丁

瀋陽中屯衛原額指揮一十四員千戶二十九員

百戶三十二員衛鎮撫一員達官指揮二員百

戶二員鎮撫一員

原額正軍二千八百六十五丁守城操一千五百一十丁

巡鹽軍快十名餘丁四千七百五十一丁戶口

役占優免人丁一千九百三十九丁達軍二十

大同中屯衛原額指揮十員千戶十四員百戶十

九員達官指揮二員千戶二員百戶二員

原額正軍

八百一十丁戶口餘丁一千七百九十三丁守城操餘五百二十丁巡鹽快手九丁達軍二十五丁

操練法別設遊擊將軍統正軍赴京營操備後改赴

薊鎮設守備將軍操餘軍以城守地方

河大營遊擊都指揮統操事

本營永樂間屬大寧都司統赴京營操備嘉靖

二十九年題奏撤回

統轄河大二衛及平定所官軍赴薊鎮修防統轄

官員中軍官一員千總官二員把總官四員

統轄

軍士河間衛一千六百八十六名大同衛八百九十三名如丁盡戶絕軍士行令該衛清勾解

補

河間營遊擊都指揮統操事

統轄官員中軍官一員千總官二員把總官四員

統轄旗軍一千九百六十九名馬三十一匹

瀋陽營遊擊都指揮統操事

統轄官員中軍官一員千總官二員把總官四員

統轄旗軍一千九百六十九名馬三十一匹

守備河間等處地方都指揮統操事 本司原設於山東德州帶管河

間地方因寫遠不便弘治十七年添設於河間府

統轄官員中軍官一員管操捕把總官三員

統轄軍士自弘治十七年奉勅訓三衛無糧老幼

操餘共計五千餘名歲以影射空伍去籍止見

在操餘二千三百名除箭手一百五十名養馬

操餘九百名撥守滄州運司庫帑三百名鼓手

炮手匠役宿城等項三百餘名中軍把總等官

跟用約有二百餘名外本職衙門跟用三百名

分爲三班實每班止有一百名僅足供奔走使

令之役每年遇春秋二季不分班次等項盡數

調集赴大教場操練以備不虞

滄州守禦千戶所原額千戶五員百戶十員今掌印

指揮一員千戶三員百戶十員吏目一員原額京操官軍
五百四十八名守城操二百名巡鹽官快
一十一名各戶口餘丁一千八百五十六名

天津兵制

永樂二年十一月設天津衛

天津衛原額指揮一十八員千戶二十八員百戶四

十六員衛鎮撫二員所鎮撫一員實在旗軍三千七百七十二名

守城操一百四十九名舍餘四百一十二名餘丁六千五百一十四名

天津左衛原額指揮八員千戶二十八員百戶四十

六員衛鎮撫二員所鎮撫一員實在旗軍三千七百七十二名守城

操三百四十四名舍餘三百二十四名餘丁三千三百四十二名

天津右衛原額指揮十一員千戶三十一員百戶四

十三員衛鎮撫二員所鎮撫一員實在旗軍二千八百八十三名

守城操二百七十七名舍餘三百九十二名餘丁三千三百四十二名

天津海防右營春防遊擊將軍統操事

天津海防左營秋防遊擊將軍統操事

左右二營永樂二年調補防海操備正德年屬大

寧都司統領赴京操練嘉靖二十九年改調黃

花鎮備禦三十九年題准薊鎮松棚路修守以

路將帶管萬曆元年設立將領為遊擊分左右兩營後因十九年間倭情叵測春秋沿邊防海

右營額兵二千九百九十二名左營額兵三千名馬騾各八十頭為探報倭情而設

葛沽兵制

天津海防營駐劄葛沽地方始自萬曆二十五年倭

情孔棘津門重地特設水陸兩營統領副總兵一

員中軍二員千總官八員旗軍書紀隊什等兵五

千員名在葛沽等處防守所食行月餉銀在於

畿南保河真順廣大六府地按畝徵辦供用三十四年

倭警寧息裁副將改遊擊一員汰官兵減餉銀止留南北官兵二千五百三員各

樊澗曰河間兵有正軍有餘丁其正軍之衛京師

也無事則隨營伍有事則聽調發或在外而守邊

堡或在內而營宮室兵農既分惟仰給於公儲而

已今各處月糧既以災傷恩例而蠲免而在京行

糧復以工價而扣除焉所支之糧日僅十文而軍

無別業其何能給是不得不借貸于人借貸而生

利倍矣其餘丁之衛郡邑也身既繫於官府食不

給于公家兼有軍器之費買馬之索征伐之苦又

層見而叠出焉是其應役而無糧與有糧而不給者其困一也夫用民之力惟在所養不養其民而欲用其民難矣哉

杜應芳曰觀樊公論則河間軍操之憊來已久矣貧軍仰給公帑其糈薄甚春秋兩防奔走不給安得片隙緣南畝顧妻子明訓習哉所由籍伍漸耗而清勾不至也凡國家力役無不更番似宜倣其意春防秋歇秋防春歇稍節罷勞又于各營中遴精銳千人耑官統之每月練之爲城守計其餘丁

放當差征徭銀備買馬緝賊之用一以示軍民之一體一以免弁帥之誅求豈不廓然可行而乃責急公於無糧之夫使因緣爲奸苦不得伸亦大非情矣余議倘未能猝易則林兆鼎條議亦揀時之劑也

河間民兵軍籍之外另有民壯有司僉點以備警急

明

洪武初立民兵萬戶府簡民間武勇之人編成隊伍以時操練有事用以征伐事平復還爲民有功者

一體陞賞

正統十四年令各處招募民壯着令本地官司率領操練遇警調用事定仍復爲民

天順元年令招募民壯鞍馬器械悉從官給本戶有糧與免五石仍免戶丁二丁以資供給如有事故不許勾丁

弘治二年令選取民壯須年二十以上五十以下精壯之人充當春夏秋每月操二次至冬操三歇三遇警調集官給行糧其餘照天順元年例六年令

官司私役民壯者照依私役軍問罪

按瀛城自洪武開闢永樂過江北平創始以來隨軍有功者功加世襲指揮千百戶總旗無功者爲軍丁分佈各府圈佔軍地營房始設立河間瀋陽大同三衛掌印指揮管攝軍屯共一百零八屯後爲祖軍河間等三衛其軍丁九千九百九十九名設立河間瀋陽大同三營遊擊統領每年修濬遼東城垣春出秋回軍戶餘丁爲之無糧操丁三千設立河間城操營奉勅守備一員欽賜銅牌八面

衙署坐落西南隅署立牌額名曰帥府統轄河間等三衛掌印指揮屯操指揮巡捕指揮千百戶總旗嵩汛閘門巡城巡隅守備地方保障城池盤詰奸細啓閉鎖鑰無糧操丁之外有馬箭手陸拾名專於衛屬屯所地方緝賊捕盜正統北狩帶有義勇壯丁隨天順回都名爲忠順營援遼徼丁五百名亦有忠順指揮千百戶給有各丁走馬放鷹地不納糧若生產男一丁卽給羈留糧一分至崇禎年間設立河間道崇禎十一年移涿州副將鎮河間統領左後營馬步兵三千專任衝鋒於崇禎十五年交河縣地方王家集趕勦叛兵交鋒失機本年十一月城破之後設立內監總理地方十七年二月闖寇李自成下權將軍破城

國朝

順治初仍立河間道

三年保定撫軍王來用定經制河間戰兵一營道標中軍守備一員把總貳員城操營操丁改爲守兵五百名守備一員把總二員職守門禁啓閉鎖鑰

四年蠡縣高陽等處民變鼓譟入城因設城守大人

邵統滿洲蒙古一千駐劄河間剿捕守城

六年鄭州水洵白徒倡亂地方滿兵撲滅

七年因有滿洲駐防裁去戰兵一營城守營裁兵三百

十年遵化順天撫院王來用移鎮河間隨帶左右兩營標兵一千遊擊二員守備二員滿洲兵移駐德州

十八年設總督衙門管直隸各屬督標中左右三營

馬步兵丁三千叅將一員遊擊二員守備三員

康熙四年督標中營奉裁本標左右兩營本年八月總督奉裁添設三省總督駐劄大名府大名提督劉良佐移鎮河間督標改爲提標左右兩營馬步兵丁二千遊擊二員守備二員

七年八月內提督奉裁將真定總兵移鎮河間提標改爲鎮標左右兩營馬步兵丁二千遊擊二員守備二員

捌年九月總兵仍回駐真定帶去馬步兵丁四百名

遊擊二員將真定協鎮調赴河間歸併天津總鎮
管轄鎮標改爲協標左右兩營馬步兵丁一千六
百名守備二員

康熙九年奉

旨直隸河間府副將員缺着將舊州營都司孔弘憲補
授

勅命統領經制官兵駐劄河間府該管任丘肅寧高川
交河故城阜城景州城操營及所屬守中千等官
察照定例管轄

河間府

巡捕同知一員

馬快二十七名
民壯三十六名

步快八名

協鎮衙門統兵鎮守闔屬

左營遊擊一員 守備一員

右營遊擊一員 守備一員

城守營守備一員統守郡城

左司把總一員

右司把總一員

河間縣

巡捕典史一員 馬快八名 民壯五十名

景和鎮巡檢一員 弓兵二十名

獻縣

巡捕典史一員 快手八名 民壯五十名

駐防

阜城縣

巡捕典史一員 快手八名 民壯五十名

駐防千總一員 兵一百九十名

肅寧縣

巡捕典史一員 快手八名 民壯五十名

駐防把總一員 兵一百名

任丘縣

巡捕典史一員 快手八名 民壯五十名

駐防千總一員 兵二百名

交河縣

巡捕典史一員 快手八名 民壯五十名

泊頭鎮巡檢一員 弓兵三十名

駐防把總一員 步兵八十名 馬兵二十名 又高川鎮把總一員 兵一百名

青縣

巡捕典史一員 快手八名 民壯五十名

駐防千總一員 兵 各

駐防興濟鎮把總一員 兵 各

靜海縣

巡捕典史一員 快手八名 民壯五十名

駐防把總一員 兵 各

獨流鎮防漕百總一員 兵 各

寧津縣

巡捕典史一員 快手八名 民壯五十名

駐防總一員 兵 各

景州

巡捕吏目一員 快手八名 民壯五十名

安陵鎮巡檢一員 弓兵十名

宋門鎮巡檢一員 弓兵十名

駐防把總一員 兵 各

吳橋縣

巡捕典史一員 快手八名 民壯五十名

駐防總一員

步兵三十二名

馬兵十名

安陵鎮千總一員

步兵三十一名

馬兵十名

東光縣

巡捕典史一員

快手八名

民壯五十名

駐防總一員

故城縣

巡捕典史一員

快手八名

民壯五十名

駐防總一員

兵 名

滄州

巡捕吏目一員

快手八名

民壯五十名

駐防城守大一員

步兵 名

馬兵 名

磚河鎮防守遊擊一員

兵 名

天津衛分駐

滄州汛防守千總一員

兵 名

舊滄州汛防把總一員

兵 名

南皮縣

巡捕典史一員

快手八名

民壯五十名

駐防把總一員

兵一百名

鹽山縣

巡捕典史一員 快手八名 民壯五十名

駐防總一員 兵一員

慶雲縣 典史一員 快手八名 民壯五十名

巡捕典史一員 快手八名 民壯五十名

駐防把總一員 兵一百名

天津衛

清軍同知一員 步快八名

總鎮府衙門

左營遊擊一員

右營遊擊一員 移駐磚河 守備一員

城守遊擊一員

漢書卷之九十九

兵變

漢

更始三年樂陵人方望與安陵人弓林共立漢安定公嬰自為宰相更始遣李松等擊破之

光武初清河人趙綱于縣界起塢壁繕甲兵為所在害河內李章來清河設饗會之遂于席上斬綱悉殲餘黨

桓帝延熹九年渤海妖賊蓋登稱太上皇帝有玉印珪璧鐵券相署置皆伏誅

河間府志 卷之九十九 兵變 三

獻帝初平二年黃巾賊轉寇渤海公孫瓚與戰于東
時光大破之

興平九年袁譚走保南皮十年春曹操攻克之

建和元年甘陵人劉文與南郡妖賊劉鮪交通訛言

清河王蒜當王天下事發捕文鮪等誅之

燕河間人李黑聚眾千餘人攻掠州郡長樂太守傅

顏討斬之

晉

穆帝元和六年魏主石閔圍趙主祗于襄國姚弋仲

遣其子襄救之石閔又遣將軍胡睦拒襄于長葛

敗還

後魏天興元年章武諸郡羣賊並起拓跋遵率眾討之

延興三年清州人封辯聚黨自號齊王州軍討平之

孝明正光二年葛榮陷魏滄州又圍相州眾號百萬

爾朱榮率精騎七千倍道兼行設伏兵以示不測

身先陷陣大破之擒葛榮檻送洛陽正法

熙平中有妖僧聚眾于冀州自稱大乘相率攻瀛州

刺史宇文福討平之

隋

煬帝南游江都天下盜起竇建德起河間號長樂王

建號大夏

唐

武德四年劉黑闥反于貝州攻陷瀛州觀州

太和八年盧龍軍亂莫州刺史張慶死之又莫州軍

亂逐刺史張惟汎

龍紀元年平盧節度使王敬武卒其子師範自稱留

後攻陷棣州

天復二年朱全忠陷棣州刺史邵潘死之

肅宗元和十一年詔絕王承宗朝貢承宗縱兵四掠

幽滄定三鎮皆苦之上表請發兵討之

穆宗長慶二年度支饋滄州車六百乘皆為成德軍

所掠

文宗太和二年魏博諸將亂橫海節度使李祐率諸

州兵擊李同捷拔德州同捷請降祐遣大將萬洪

守滄州宣慰使柏耆疑同捷詐自將數百騎馳入

滄州以事誅洪取同捷詣京師初祐病聞耆殺洪

大驚遂劇上曰若祐死是耆殺之也祐尋薨賜耆
自盡

廣明元年無棣人洪霸郎爲盜齊棣間平盧節度使
安師儒遣王敬武擊破之

梁

同光四年滄州軍亂王景戡自爲留後

天成二年蘆臺軍亂殺其將烏震

宋

開寶六年棣州兵馬殿直傅延翰反伏誅

金 大定十八年獻州人殷小二等謀反伏誅

興定四年紅襖賊寇樂陵鹽山橫海節度使王福擊
敗之

元

仁宗皇慶二年捕滄州盜阿失答兒等擒之支解以
徇

明

正德六年賊首劉六等進攻獻縣等城劫掠居民甚
衆官軍追至常熟海中滅之

崇禎十七年流寇陷河間城

國朝

順治三年飛來賊三百餘人入交河城搶掠放獄而去

順治四年土寇犯河間城陷

順治五年深州土寇馬步七百餘突入阜城屠掠官眷盜劫篆印殺死百餘人驅馬驢攜獄囚而去又慶雲縣土寇破城知縣張必科死之

順治六年土寇劫掠景州等處至阜城敗去

按瀛海昔係邊方戰鬪時有故凡敵國戰爭藩鎮割據兵連禍結者莫不詳書茲但記其變起猝然切于郡屬者耳

河間府志

卷之十九



